



華陽集卷第七

宋張綱

考正氏著

外制

汪藻轉一官

朕于名器不以假人惟時賞勞則靡所愛故雖嚴近之列有應公令猶加褒錄盖所以勸也其官某以文章得名而能達當世之務以氣節自勵而不忘憂國之心厭直承明往臨藩翰政平訟理百姓和樂有面京循吏之風比以軍儲闕供下郡國平價以糴而能悉意奉公承詔趣辦朕甚嘉焉其進一官以為任職

者之寵祗服休命益勉厥勤

陳揆除起居舍人

朕慨念艱難以來士風不競媮薄之俗勝而馳騁進  
取之習日滋故于用人尤名御厥與方將迪簡在位取  
其沉厚之德靖恭之操以革斯弊而振起之惟爾文  
學之富蚤歲殊科克勵才猷以蒙器使自歷中祕陟  
即曹蓋二紀于茲一時輩流咸見拔用迺獨退然不  
以屑意朕方嘉其有守而譽言日聞是用付爾史筆  
俾聯法從之班以職記注之事夫華要之選非獨為  
爾寵也欲使縉紳明識朕意知所趨向焉益勉厥修  
無負眷獎

鄧溥瀘南沿邊安撫使兼知瀘州

朕宵衣旰食思濟多艱不敢一日輒忘疆場之事故

選置師帥必惟賢能建威消萌用寬憂顧具官某奮

由儒學允蹈古人輔以才猷表見當世念去禁途之

久既嚴台節之班載考僉言宜膺煩使惟瀘州地接

夷族控制西南朝廷藩翰得人為重今朕畀爾以中

權之寵往殿厥服爾其深體德意名御守教條無以地

僻俗陋而鄙夷之使夫並邊列城兵民咸又是為稱

職尚勉之哉

趙起魏珍各轉一官

朕以驍將扞邊為日滋久來赴行闕有嘉勤勞矧其偏裨協忠國事遠勒部曲可無寵褒其叙進于武階庶有光于戎律往服休命尚勉圖功

張成憲除金部郎官宇文師瑗除駕部郎官中臺六卿總治衆務郎為之屬其選甚高爾成憲才術之優見于已試爾師瑗縉紳之譽藹然有聞司珍駕曹宜以分命往其懋勉嗣有寵遷

景興宗轉三官換給付身

頃者秦蜀用師權在王將得以便宜行事謂爾有勞

可賞且復會課當遷就進文階亦以久矣茲用錫爾贊書新厥寵命往其欽服尚勉圖功

劉子羽散官白州安置

朕暴兵露師經理秦蜀置將不善功潰于成由引用之非人遂同惡以相濟誤國甚矣罪奚可逃具官某本非庸才乘于艱運謬竊逾涯之寵復成妄作之凶方朝廷倚重元戎聽幕府自擇叅佐首以愼佞贊其機謀昧攻守之良圖恣剛愎以自用協持上下莫敢誰何富平之師一敗塗地既自恥于失策欲移咎于他人陰肆讒誣濫行斬殺坐令將士卒至叛逆迨嚴

台以促還乃臥家而自便觀其寡謀輕敵雖惡有所  
分至于慢上侵權則咎將誰執其以散秩往居遐荒  
尚堅循省之心毋負生全之賜

程唐落職宮觀

腦詞具官某材無寸長志欲大用專事權要寔如顯  
榮謬為屬于以昭曾靡遵于廟勝富平之舉朕甚悼  
焉以諛佞濟輕脫之謀以殘忍成覆亡之禍生靈塗  
炭職汝之由尚復何顏更臨藩翰覽彈章之來上知  
公議之弗容其鑄延閣之華往食真祠之祿是為寬  
典毋怠省愆

趙鼎加恩

朕日者昭事上帝大亨合宮秩將禮之文既荷三靈  
之眷推慶成之澤爰疏百辟之恩矧乃洪儒為予近  
弼方有資干同德其敢廢于舊章具官某才周而識  
明器遠而用博忠嘉自奮屢陳經世之謀謬有聞  
獨著立朝之節一自登于樞輔再分領于帥權坐申  
廟勝之威益峻嚴瞻之望肆加嚴召入贊于機衡正  
賴明謨用寬于宵旰念綈儀之既舉宜慶賜之惟均  
亟命有司式敷異數俾增封于爵號併申行于爰田  
夫尊賢顯功所以錫便藩之寵而憂邊思職尚宜圖

康濟之方祗服訓言以稱朕意

張穎劉彥適降官

持節一路以繩責郡吏部使者職也爾由選掄將漕  
廣右而縣令貪墨乃置不問朝廷耳目之寄尚何賴  
焉貶秩二等姑示薄懲往服寬恩勿忘念咎

趙進三轉官換給付身

川陝用師一時官吏付之元帥使以便宜黜陟蓋嘗  
謂爾有功可錄進主兵團茲用更錫贊書新厥寵命  
往其欽承圖報勿忘

潘長卿潘粹卿轉一官遷團練使

朕欽念泰陵在宥之德昭慈保護之功實萬世永賴  
而吳國諸子是為外孫備歷險艱來赴行闕此寵榮  
所宜及也進官一等仍畀使名尚勉厥勤以副朕崇  
獎之意

周綱姜師仲除監察御史

士有卓然以氣節自立于世然後能有所為矧吾中  
執法之屬任國風憲以督察百吏為職則為官擇人  
非有立者不在茲選爾綱嘗任言責閱試已孚爾師  
仲行已直方見稱多士茲用並擢御史以舉六察之  
政考之公論匪為爾私往服訓言益堅所守

王綰除右司

中臺萬事之本天下之休戚繫焉方時多故詔勅文  
書倍于疇昔雖以二三執政提其綱維至于左右周  
旋剖決留事則責在其屬以爾燭理明而不惑遇事  
審而有斷即曹更跋閱歲滋多蔚有休聲達于朕聽  
茲用擢居宰一以彌綸省闈往共厥職益務恪勤庶  
幾稱朕所以屬任之意

呂聰問除吏部郎官張銖除考功郎官李元  
湓除度支郎官

朕拔舉羣材以備官使惟時即位其選甚高凡列職  
于其間必考實于公論惟爾聰問名德之後文雅自  
將銖才術兼優能治邦計元湓為屬憲府藹然有稱  
皆宜進陟顯途是用各加褒擢往踐厥服益茂爾猷

蘇攜除檢正

朕惟東西二省政事出焉中書揆而議之門下審而  
覆之既以二三大臣任其責矣則又為之設屬以助  
其不逮吾于是知檢正之職不可用非其人以爾氣  
稟粹溫臨事敏達即曹卿寺多所踐更比嘗命列司  
宗之貳而議者謂爾相臣之子嗣德有耀朝廷政體  
生長見聞是宜更錫贊書擢此要地夫一日萬機出

納當否所繫重矣往祗厥服益究乃心

呂聰問除宗正少卿

堯御九族周尚同姓千載之後協和輯睦之風可以  
想見朕甚慕之肆求時髦叅典屬籍庶幾糾合之義  
無媿于古以爾名德之後儒學自將越在外服蔚有  
休譽比嘗召對便坐觀其論奏有合朕心擢亞伯臣  
公議惟允性昔宗寺圖謀于今僅存褒集闕遺以昭  
穆親疎之序則為爾職尚其勉之

陳桷除太常少卿

左右史記言動之實地朕禁近奉常長貳專禮樂之  
任班秩甚高朕為官擇人各使效職攸司雖異易地  
則同爾比由望實之孚入直螭陛乃以親朕宰輔引  
嫌自言方茲公朝重違其意擢亞卿列主吾曲臺夫  
以直筆叙事之才而付之討論制作之事蓋優為也  
往服朕命庶爾能

王居正除起居舍人

唐制兩者屬皆可議朝廷事其責重矣而况左右載  
筆記人主言動實為異時法從之選式序在位尤難  
其人惟爾問學淵源論學勁正昔嘗入直螭陛固以  
任職著聞比自侯邦擢貳卿列會吾記注引嫌自言



求稱厥官茲用命爾易地以處夫奉常班秩雖峻而  
職清且近史實無之往祗服于新恩益勉修于舊物

湯東野落職官觀

朕選建牧守外作翰藩有兵有民任責為重儻悉心  
于撫御庶少寬于顧憂其官某蚤以材能登于法從  
維揚謀帥初謂得人當兵火瘡殘之餘付還定安集  
之政所宜夙夜務稱厥職而乃坐糜歲月績效弗昭  
致使一方坐弊尤甚宜黜隆名之寵往從祠館之遊  
尚服寬恩毋忘循省

吉俊補官換給付身

爾頃以武勇自奮從軍秦蜀主帥謂其有功補秩甚  
峻錄名來上更名為真往服寵榮益思報効

宋孝先起復知揚州

維揚古都會控淮帶江綿地數千里厥今屏翰之寄  
視他鎮為重兵既息餘民出于塗炭凡厥師帥豈  
獨任吾折衝禦侮之責而撫綏瘡痍朕心尤所深念  
以爾久蒙器使中外踐更決滯務于都司積深謀于  
督府皆有聞焉朕思得疏通敏博之士經理淮甸爾  
雖以憂去職義當奪情錫茲贊書往殿方面率勤儉  
以勸生業推恩信以安衆心在爾勉之予不多訓

謝伋除祠部郎官温州主管神御

朕時巡東南欽惟宗廟未獲妥靈肆命有司奉祠于  
近郡以爾冬官之屬敏肅而誠宜陟永廳往以從事  
詩不云乎温恭朝夕執事有恪尚其勉之副予休享  
之意  
朕分遣重兵宿屯要地惟時給餉責在漕臣爾才智  
聞于一時何獨至此而不加勉使吾被堅之衆行有  
乏食之憂主帥以言良哂予聽貶秩一官姑示薄懲  
往服寬恩尚圖來効

程千秋起復知岳州

巴陵控引江湖居國上游兵火搶攘之後政失其經  
氏未復業今欲外彊屏藩內安流離責在守臣其可  
不名御以爾富于才術嘗試為郡考其績效綽有能名  
茲用起從倚廬之中委以專城之寄奪情以義宜遵  
有國之常規當官而行尚茂折衝之遠略

郭師中轉刺史依前武功大夫換給付身

朕嗣承大統文武之士咸進厥官今既八年而帥司  
謂爾恩獨未及升刺舉之號以聞于朝是用更錫贊  
書載新寵命往其祗服思報所蒙

華陽集 卷五  
朕惟淮楚與敵為隣爾為守臣凡疆外之事義當專  
達乃不以聞違詔漏言皆汝之咎貶秩二等聊戒慢  
官益勉所圖以補前失  
徐俯除端明殿學士官祠  
憂勤圖治時不急于任賢左右近臣義豈容于去國  
念有均勞之請欲高易退之風宜狗彘祈更全體貌  
具官某氣節不撓辨論可觀蔚有譽于當時期力行  
于素志起從踈遠亟聯從橐之華度越輩流遂陟樞  
度之峻閱時未久被遇非常庶觀整軍經武之謀折

遐衝于萬里抑賴同寅協恭之助圖大政于一堂顧  
屬任之方深曾設施之未究奏章俄上引疾甚堅肆  
推從欲之仁曲示優賢之禮殊庭厚祿秘殿陰名匪  
曰朕私用榮爾去或出或處諒不替于憂時嘉謀嘉  
猷尚毋忘于六后

章傑除工部郎官

朕惟百工之事皆聖人作也述聖人制作之意考治  
百工而使咸精其能是謂有司之職以爾才智明達  
風力敏強將漕外臺蔚有休譽宜遂進登郎省屬于  
冬官以修五材九範之法克恭朕命嗣有寵褒

彭玘贈吉州團練使  
戰則死綏將帥之事也  
比年兵政不修望敵奔潰者  
十常八九朕方整軍經武  
欲以激勵士氣有能披堅  
執銳奮不顧死則褒崇之  
典其可後哉具官某資稟  
忠義志推姦宄獨當喋血  
之鋒遽致隕身之禍有司  
其奏朕甚痛之其正序于  
戎團庶追榮于幽壤魂爽  
如在尚克歛承

華陽集卷第七畢

華陽集卷第八

宋張綱

彥正氏著

外制

馮憲柴斌轉官換給

國家賞典藏不盟府有功則舉輕重隨之具官某素  
以勇聞奮義不顧頃者秦蜀之役帥臣以便宜行事  
謂爾勞能可錄超進武階具名于朝用新厥命恩則  
厚矣可無報哉

郭興贈三官

朕以爾忠勇之資推堅却敵視死不顧卒以身膏草  
華陽集

卷八

一

野良用嗟惻進官三等追錄爾勤亦以慰爾地下之  
望

趙思誠除中書舍人

朕惟人主有立政造事之勤而無論思之助則動或  
失中有發號出令之信而無制作之文則行之不遠  
孰能舉職宜聞舊人其官某秉德在躬克濟美于先  
世辭榮求志嘗晦迹于明時頃自丘園推登禁路論  
事能識大體抗強禦而不同代言真有古風見中和  
之自得去位既久勞予所思其遂解于州麾俾亟還  
予詞掖朕方圖回大業力濟中興蓋欲使朝廷凡幾  
微之事固有德違亦庶幾天下因播告之修識所好  
惡任責在爾將觀已試之能服命維新無負見知之  
意

范冲除宗正少卿

人主拔用賢能之士服在要途豈惟督責治功亦以  
率勵風俗惟爾名臣之子才術有餘浩然無求士夫  
高仰朕方名叙皇族思欲追迹麟趾信厚之化而屬  
有攸藉官宜擇人任列亞卿曰爾為可勉赴朕命以  
舉伯臣之職庶幾典刑視效于親睦之教有助焉

江公亮章傑倉部工部兩易其任

天下之務總于六卿選建諸郎分隸迺事爾公亮為  
司庾掌粟入之藏以待邦用爾傑為司平掌五材九  
範之法以率百工蓋版曹起部其屬雖不同至于委  
用則未始或異兩易厥任出于至公往祗厥官毋替  
朕命

孫汪轉官換給付身

朕嗣承大統澤流海內文武在服咸被寵光具官某  
奮義戎行有年于此阻以道遠恩獨未及帥司既以  
便宜升進武階其名來上俾更命渥載新爾榮往其  
欽承思所以報

宋孝先降兩官

吏貪為殘害吾赤子爾為部使者坐視不問事發驗  
治罪將矣迺黜官二等以為外臺不職之戒尚從寬  
典省咎勿忘

神潛轉官換給付身

賞國之典藏在盟府出之無常輕重眡功具官某材  
勇有聞熟于行陣秦蜀之後丕績顯然帥司既以便  
宜進爾橫列之峻具名來上用錫贊書往祗厥官益  
圖報稱

曾楙轉官

舜典陟明維九官猶不廢于考績周官詔爵更三歲則大計于羣工眷予從橐之聯宜舉邦彛之舊具官某性資醞藉問學淵源在昔光明盛大之時則備獻納論思之職眷遇甚渥踐揚居多自均逸于祠庭已屢更于歲籥比觀會課於法當遷俾膺爵秩之崇用錫贊書之寵征服朕命益茂爾猷

范同除祠部郎官吳次賓除刑部郎官

六卿之職各有攸司豈惟分舉治功亦以待異日華要之選凡厥在服必取時髦以爾同學古有稽敏而練達爾次賓效官惟謹多所踐更宜進陟于郎曹以

佐吾宗伯司寇之事往其率職嗣有寵褒

張順孟涓各轉右武大夫

國家置武功官等秩不一而橫列處其最高方時多艱名器為重非有顯績不輕假人具官某勇聞一時出入行陣堂從大將却敵有功迨今累年而幕府其名來上茲用錫爾贊書一新寵命以光戎壘以為眾士之勸往其祗服圖報忽忘

巨振揚琳降官

朕于武勇之士錫以高爵厚祿答其勤勞至于干犯憲禁亦未嘗赦具官某統率戎旅屬吾大將不自謹

畏過惡暴列幕府論奏顧安所逃罪哉尚從輕比姑  
視一官服我寬息勿忘者咎

常同除起居郎

朕惟天下士有以文學論議表見一時而風節不強  
不足與有為也故凡拔用群俊必先試以所難觀其  
遇事卓然有立然後置之要地用能舉職厭服公言  
惟爾諒直多聞深達世務頃自遠服擢居憲臺屢殫  
排擊之公坐致姦邪之戢是為試可克協朕心茲用  
俾爾進直殿切記予言動且朕即位于今八年繫日  
之書缺焉未備方選儒學之士緒正逸典若時記注  
實與纂修爾其勉舉厥官以謹書法庶使筆削之善  
有副朕責成之意

范宗尹除資政殿大學士知温州

朕時巡東南方倚維藩之固選建牧守蓋先宿望之  
圖惟予輔臣巡在外服宜遂分于重寄用允穆于師  
言具官某高明而有謀敏博而能斷亟際風雲之會  
蚤膺夢卜之求若涉大川嘗歷艱難而求濟克勤小  
物每嘉弼亮以輸忠自違機柄之煩久即祠庭之逸  
叔敬去相不悔既譽處之彌休申伯以作爾庸尚藩  
宣之是賴眷迺永嘉之地寔當海道之衝下酌民言



正資撫御徒得君重少寬顧憂其升秘殿之華往對  
分符之寵夫股肱舊德固宜一體以宣勞而膏澤下  
流豈待期年而報政勉服休命克副眷懷

虞溥除檢正

朕惟東西二省政事出焉中書揆而議之門下審而  
覆之既以二三大臣任其重矣則又為之設屬每事  
稽考以助其不逮吾于是知檢正之職不可用非其  
人以爾敏秀而文多所踐更宣勞之著尤在都公茲  
用更錫贊書擢居要地夫一日二日萬幾是非當否  
所繫重矣往祗厥服益究乃心

晏敦復除左司

朕惟煩劇之務劇裁必得其人如庖丁解牛技經肯  
綮無難焉則談笑之間無餘事矣惟爾奮由儒學雅  
以才術著稱佐吾銓曹事至輒辦茲用進爾宰屬究  
其設施夫詔條叢清吏胥出沒不可不察也朕我訓  
言往勤厥職使夫游刃恢恢然有餘地則彌綸省闥  
之譽何愧于古

張崇轉右武大夫

國家置武功官等級不一而橫列處其最高方時多  
艱名器為重非有顯績不輕假人具官某素以勇聞

習于行陣奮義不顧却敵有功宜升武秩之崇以勸  
用命之士往其欽服思報勿忘

藍珪轉內侍省押班

朕惟官庭之制則有司存奉出入起居之嚴中戒令  
糾禁之事恪恭乃職必惟其人以爾材智自將有勞  
潛即名御密以謹克慕忠規宜進長于班聯用昭示于  
寵渥尚思所報益勉厥勤

袁正功除直秘閣與郡

昔我仁祖嘗患羣臣欲進者多而求退者少以問宰  
相王曾曾謂士人貪廉係時用捨惟朝廷抑奔競而

崇靜退則庶幾有難進之風朕讀寶訓至此未嘗不  
三復興嘆深念多故以來士風不屬正當遠稽前言  
以草流弊之末今爾任吾宰屬方以治辦稱于一時  
乃忽慨然力求補外嘉其趣尚義當勉從芸閣華資  
用為爾寵狂臨郡寄益茂厥修

顯應侯加封普惠侯

惟侯受職宅彼思靈大庇一方克有常享禱祈輒應  
達于聰聞增錫徽章以昭其實朕命不易尚其欽哉

蒙光仲等加上柱國

遠處遐陬世懷忠順屬茲多故效節彌勤宜進勲階

用昭褒寵往祗厥命永固邊陲

汪思恭除吏部郎官主管侍郎左遷

文部四選皆為劇曹而侍郎所掌七階之士尤號負  
冗必擇通材以為之屬而佐其銓序惟爾昔嘗任此  
藹有能名稱諸僉言宜還舊服往績已試之效用昭  
申命之公夫二年居官十年待選自前世患之而今  
日益甚思草其弊在爾勉焉

翟琮知壽春府

惟古壽春形勝甲于淮右數更寇亂瘡痍未復尚虞  
外侮震驚吾民圖御衆之才往任扞城之寄具官某

明志勇略聞于一時厥難折衝厥有成績茲用分以  
符竹俾臨要地內則布宣德意安集于流亡外則震  
肅威名綏靖于疆場是為稱職尚其勉之

魏砮除殿中侍御史

朕惟大公之心闢衆正之路以收集士類圖回治功  
其有弗協于極敗常亂政則責在御史府以法彈治  
之此風憲之任所以取重一時苟非其人不在茲選  
惟爾文學行藝見推士林頃自郎曹擢與六察氣節  
勁正凜然可觀茲用進陟殿中專以排擊官邪為務  
夫明足以辨是非之實而勇足以行之則何事之不

舉何舉之不當哉往祗厥官毋虛朕意

黃叔教轉一官

搃利柄以幹山海之藏付之成法收贏貲以佐邦國  
之用責在有司既殫效職之勤宜舉懋功之典具官  
某才周世務學嗣家風蚤升八座之聯獨擅一時之  
譽以版曹之餘暇兼筦推以宣勞調盈虛之時濬利  
源而無壅考竒羨之入溢歲課以居多有嘉心計之  
良寔濟軍興之乏肆疇美績俾進文階時乃茂恩往  
其祗服

高士瑰除直秘閣

圖書之府芸閣在焉寓直其間皆一時雋秀是為朝  
廷清選爾以才術從軍有功昇此華資用為褒勸夫  
帥司便宜之舉所以昭示至公具名上聞宜新寵命  
往其祗服思報所蒙

宋萬年轉一官

時方用武正賴深謀有勞不圖何以為勸惟爾奮由  
儒術洞曉韜鈴從吾將臣忝計軍事用抗強敵屢獲  
戰多宜加進秩之恩以示懋功之寵祗服朕命圖惟  
厥終

司寶梁嬌娘賜名從順轉郡夫人知尚書內

省事

法天象之明用建中臺之制贊路朝之治尤嚴內省  
之司爰舉徽章式圖邦媛具官某飭躬端靜迪德惠  
和譽久著于宮闈靡聞私謁身服勤于婦職常佩忠  
規有嘉淑名御之稱宜總綱維之政序之寵位錫以美  
名大疏湯沐之封增重文昌之寄茲為異數率由至  
公其益懋于厥官庶克諧于新命

紅霞帔呂六六轉掌記揚二女轉掌闈

後庭衆治內職主之式序勞能具存舊典以爾祗勤  
宮掖夙夜不違進陟婦官用昭異數往共乃事思報

勿忘

故宗樸改封惠王

昔我皇族當重熙累洽之辰並建輔藩倣畫野分疆  
之制念閱時之既久致疇邑之相重度義不安改封  
為允具官某躬秉一德寵遇累朝方神祖之御圖推  
嚴尊屬以濮國之次子奄宅王封肆今遺列之存尚  
想宗英之盛眷予潛邸嘗昨晉康偶同壤地之名顧  
何嫌于異數然以嗣孫之請欲自避于殊稱爰徹爾  
疆宜莫如惠荒羅浮之勝地易隧路之新榮一品彌  
崇尚莫加于儀物九原未泯宜克享于徽章

趙思誠轉一官  
朕以天官大計羣工之治惟時法從特循三歲之規  
迨稽闕以上聞即推恩而增秩具官某靜重有守諒  
直敢為特橐禁嚴居獲論思之助分符便郡寔資屏  
翰之良比載考于僉言方促加于嚴台適茲會課用  
進文階夫以積日較功雖由銓序至于褒賢錫寵豈  
限彝章勉圖厥勤以副朕意

華陽集卷第八畢

華陽集卷第九

宋張綱

彥正氏著

表

江東提刑謝到任表

臣某言伏奉勅命差臣權發遣前件差遣臣已于閏  
四月十七日到任交割職事訖惟良折獄初未熟于  
刑書為官擇人忽謬將于使指臣某誠惶誠懼頓首  
頓首伏念臣學無領略識不高明忝竊一官侵尋半  
世家之懷璞獨慚無實而得名一吹竽庸敢托虛  
而求進三遷中秘再直郎曹皆粗守于官箴迄無裨  
華陽集

于國慮索長安之米懼尸素足以危身掛神武之冠  
恐艱虞不當避事偶叨除于卿部姑待次于親闈宸  
綽四更歲陽七換貧窶方憂于家食歡呼勿奉十綸  
言就易鄰封便趨官次四郊多壘曾無被堅執銳之  
勤一路觀風乃有攬轡登車之適夫何辱陋忽此遭  
逢茲蓋伏遇 皇帝陛下體乾健之資撫離明之運  
求王道而急于先務用人才而不以遐遺故雖樸遼  
之微亦預澄清之選臣敢不夙夜率職審御持心引  
古義以決疑自竭倪寬之學期有司之不犯用揚虞  
舜之仁冀獲微勞少酬洪造臣無任

肆赦謝表

臣某言今月九日准都進奏院遞到赦書一道臣已  
即時謝恩施行訖星文示戒深軫慮于淵衷聖澤推  
仁亟致祥于和氣歡呼既洽精祲遂通臣某誠惶誠  
懼頓首頓首竊以天之垂象以見吉凶王者求端以  
考得夫推于彼而有合于此知遺告之甚明應以實  
而不飭以文願靈承之敢後宜正厥事以享于休恭  
惟 皇帝陛下上智膺圖中興撫運克謹嚴恭之畏  
靡忘宵旰之勤念國步之多艱感乾文而彌懼推占  
小異爰興罪已之言肆赦遂行大布及民之惠災已  
華陽集

無忘國其有瘳臣敢不遵奉十行頒宣一路釋刑罰  
之寬濫既逃失職之誅決恩霽于寵洪庶廣好生之  
德臣無任

進天申節銀狀

右狀以長發開祥誕彌紀節仰祝後天之莫載修任  
土之儀前件物掌以非人藏諸外府備充度于後列  
表方物以輸勤粹若乾剛允符九五之德式如王度  
願續祈招之詩于冒宸嚴俯深戰汗

除給事中謝表

臣某言伏奉告命除臣給事中仍賜對衣金帶者平

奏東臺義豈容于冒處懇辭中詔命莫反于已行拜  
寵自天措躬無地臣某誠惶誠懼頓首頓首伏念臣  
務學不知師古居官無以瘡人庸虛誤簡于淵衷叨  
昧亟躋于華貫擢自古史掌四掖之贊書列于從班  
陪外廷之末議但尸榮祿何補事功雙親闕奉于音  
甘累奏具陳于烟幅丐從孝養未頒賜可之音過軫  
皇慈乃辱甄升之寵况封駁之重任實詔令之所關  
爰竄論議之公時正廟堂之失端欲稱職尤須擇人  
夫何甚陋之姿與此非常之選錫九環之寶帶身兼  
備乎服章拜青瑣之夕門地益親于禁密得逾所望



慚甚于榮茲蓋伏遇 皇帝陛下性堯舜之聰明躬  
禹湯之勤儉大收衆俊協濟丕圖官人盡棫樸之能  
咸歸有用代遺存菅蒯之賤以責成功致此不才亦  
叨非據臣敢不激昂晚節勉勵前修論事不阿雖乏  
回天之力有言必告庶逃竊位之譏臣無任

罷給事中提舉官觀謝表

臣某言伏奉告命為臣僚上言罷臣給事中差提舉  
江州太平觀任便居住者彈章亟上敢意生全命綽  
寵頒姑從黜免荷恩慈之曲貸弔形影以深慚臣某  
誠惶誠懼頓首頓首伏念臣樸邁常材浮沉半世深

惟薄陋敢有志于功名偶幸遭逢遂寢叨于榮祿與  
一時侍從之選陪兩省論議之餘寵遇所期報將奚  
稱雖夙宵黽勉曾莫著于微勞而過惡暴揚忽自罹  
于深譴退量駑蹇猥玷簡書適當艱棘之時上負明  
揚之意禡東臺之職孤踪既遠于宸嚴從真館之遊  
百口尚霑于廩稍顧官閑而身佚知罪大而責輕茲  
蓋伏遇 皇帝陛下蹈商周之克寬躬漢高之大度  
總覽萬微之要灼知三俊之心憐臣迫于奉親屢請  
去而弗獲察臣忠以事上欲寡過而未能特霽隆威  
但令省咎臣敢不洗滌心慮遵奉訓辭在猷猷不忘

益勵愛君之志保素揄暮景更脩行已之方臣無任  
揚楚寇退賀表

元惡逋誅敢稱兵而入寇王師歷壘俄不鼓而自奔  
土疆復寧王威大振臣某誠歡誠忭頓首頓首竊以  
國家多艱妖孽乘時盜名字以欺天背恩不顧剝黎  
元而奉虜依勢為強協成兇悖之謀公肆侵凌之侮  
大逆不道從古罕聞固天地之靡容宜雷霆之赫怒  
上煩警蹕親御師干既遣驍將以挫其鋒仍倚大江  
而固吾圉風聲鶴唳驚震壘之餘威蟻聚蜂屯忽散  
亡而爭遁氛祲掃滅境宇肅清復收蕩析之民大布

撫綏之澤神人咸喜宗社同休茲蓋伏遇 皇帝陛下

神武布昭睿謨廣運遠稽世祖欲就昆陽禽敵之  
功近法真皇亟下景德親征之詔撫我旃于禁旅廩  
而笑以前驅志在蕩平務先特重謂上策莫始自治  
唯深溝高壘之圖故不戰而屈人兵得保勝全師之  
道臣身閑祠館望極丹墀外侮不庭既却南侵之騎  
中原可復願歌北伐之詩

除徽猷閣待制謝表

臣某言臣昨任給事中言章罷職差提舉江州太平  
觀任便居住今日一日伏奉告命以明堂禮畢特

蒙聖恩授臣徽猷閣待制差遣賜如故尋具奏辭免  
准尚書省劄子奉聖旨不允臣已于二十一日望闕  
謝恩祇託霽雷雨而作解既蒙省過之仁近日月而  
依光復冒隆名之寵罪如山積息自天回命下無所  
措躬感深至于流涕臣某誠惶誠懼頓首頓首伏  
臣學迂而陋性滯且愚蚤塵俊造之科名浮于實晚  
遇聖神之主用過其材高華驟獵于周行清燕教  
于眷獎不量叨昧自致顛躋念茲遲暮之年獨在謹  
訶之域上孤任使深愧平生置散投閑方迫哀窮之  
苦滌瑕蕩垢俄霑惠澤之施頌之明綸寵以異數

不去家而與鴛鴦次對之列祿足以飽而後香火奉  
祠之遊誰謂危蹤克膺殊眷茲蓋伏遇 皇帝陛下  
配天同德與物為春閔一夫之向隅開三面以祝網  
謂嘗服御載收簪履之遺還畀恩光使畢桑榆之景  
臣敢不欽承命渥益勵身修補劓息黜幸復全于玷  
缺摩頂放踵當永誓于靡捐臣無任

紹興六年車駕巡幸起居表

臣某言臣恭聞車駕巡幸已進發至平江府暫駐清  
蹕者親屈萬乘大巡六師天步載康皇威克振臣某  
誠歡誠忭頓首頓首恭惟 皇帝陛下纂承丕緒圖

復中原虎士雲屯將啟前茅之慮玉車雷動俯勒絢  
柳之行昭聖武于百蠻示恩威于諸將八神警蹕協  
豫順以乘時六轡如琴仰乾行之應律臣職居祠館  
班隔外庭効駕展軫莫備驅塵之列望雲就日徒傾  
嚮闕之心臣無任

紹興六年冬至賀表

臣某言四序密移肇啟初陽之候萬方來賀備陳亞  
歲之儀臣某誠歡誠忭頓首頓首恭惟  
皇帝陛下  
體道御時配天立極黃鐘既應迎協氣以橫流清蹕  
所臨萃諸福而畢至臣叨恩真館投迹窮鄉稱觴莫

預于周班傾藿徒存于魏闕臣無任

紹興七年元正賀表

臣某言清臺考曆統三朔以開元象魏布和詔萬民  
而觀治臣某誠歡誠忭頓首頓首恭惟  
皇帝陛下  
乾符載錫寶運重熙聿求王道之端克協人時之正  
四方來賀既與物以為春萬壽無疆宜從天而難老  
臣叨恩法從茫迹真祠遙想鴛鸞莫預周行之集並  
遊麋鹿惟均率舞之歡臣無任

徽宗皇帝升遐慰表

臣某言臣伏讀詔書恭聞  
云禍降自天悲纏率土

臣某誠悲誠感頓首頓首恭惟皇帝陛下久居孝  
養遠宅大憂哀慕無窮聖惟難處願深思于付託宜  
少抑于悲摧克合禮經以幸天下臣限以職任在外  
不獲奔詣闕庭臣無任

紹興七年再任宮觀謝表

臣某言臣昨為宮觀任滿具奏陳乞再任續奉勅命  
候今任滿日令再任臣已即時望闕謝恩祇受訖身  
閑竊祿深愧罔功秩滿自言猥叨申命荷皇慈之曲  
被感危涕之橫流臣某誠惶誠懼頓首頓首伏念臣  
蚤以謬庸誤膺簡拔持紫荷之橐嘗獲近于清光拜

青瑣之門寢不容于公議過蒙全度姑聽罷歸復聯  
次對之班更昇真祠之逸歲月易得俄見迫于終更  
貧病交攻妄欲仍于舊貫用頌危懼仰叩清衷方虞  
冒昧之干誅忽辱矜容而賜可職雖不改命寔維新  
得祿足以代耕益助庭闈之養有官而無課最荐修  
香火之緣揆厥所蒙其何以稱茲蓋伏遇皇帝陛下  
下至神默運盛德兼容常以佚道而使人豈于匹夫  
而求備謂本卷曲而不中繩墨本自弃材知馬虺隋  
而難以馳驅忍令更駕俯聽就閒之請大推從欲之  
仁故使餘生亦均殊遇念此艱虞之際獨居僥倖之  
華陽集

多聞舍求田詐敢即安于私計捐軀殞首終期効死  
於他時庶竭微忠少酬洪造臣無任

紹興七年車駕駐蹕建康起居表

臣某言臣恭聞車駕巡幸駐蹕建康府者載移清蹕  
爰宅近都萬騎天臨見上聖憂勤之至庶邦風動知  
中原恢復之期臣某誠惶誠懼頓首頓首恭惟 皇  
帝陛下神武布昭睿謨濬發內修五禮稽虞舜之時  
巡外整六師法周王之於邁用涓穀旦聿臨大江不  
辭馬上之勞坐得域中之勝紹復先王之大業與時  
偕行再會諸侯于東都指日可待臣奉祠有守扞牧

靡皇浮天時而不懷徒誦盤庚之作居江海而何有

唯存魏闕之恩臣無任

丁父憂服闋從吉再任官觀謝表

臣某言臣今月十七日伏奉勅命以臣前任左朝奉

大夫充徽猷閣待制提舉江州太平觀緣丁父憂服  
闋從吉特蒙聖恩授臣依前官職改差提舉亳州明  
道宮任便居住臣已于當日望闕謝恩祇受訖釋三  
年之喪未忘哀慕拜九重之命遽復官聯不自意其  
餘生尚仍叨于舊寵危悚易感哀淚交流臣某誠惶  
誠懼頓首頓首伏念臣稟生多艱于世寡合偶值中

興之運誤膺上聖之知頃自常僚擢升華貫遭時見  
用欲自効于孤忠當官而行殆難堪于衆怒仰蒙聖  
度深諒愚誠俾聯次對之榮退處真祠之逸方杜門  
而求志俄陟岵以纏哀畢此喪期絕無生理山塋路  
熟身從糜鹿之遊禁藥天高望絕鴛鸞之列豈伊朽  
質上軫洪慈俯矜荃毒之餘加惠龍光之厚官不易  
舊命實維新自視庸虛重慚忝冒茲蓋伏遇 皇帝  
陛下化育萬物允釐百工用人惟已而不以遐遺以  
道觀能而各有攸處臣朴忠自信昔嘗入侍于清光  
知臣病瘁可憐故特寵還于異數家食無事功之責  
毋慈足甘旨之歡天地陰恩回難圖于報謝桑榆暮  
景從求誓于糜捐臣無任

紹興十年明堂禮成賀表

臣某言臣恭聞九月十日明堂禮成大赦天下者大  
享合宮禮儀既備受釐宣室慶賜遂行臣某誠歡誠  
忭頓首頓首竊以國有常經祀爲大事稽九筮而定  
位莫尊王者之堂間三歲以陳儀用極聖人之孝恭  
惟 皇帝陛下廣堯舜之仁義恭禹湯之儉勤道格  
皇天靡怠靈承之志功歸烈孝肅修嚴配之儀彌文  
咸秩于舊章精意克昭于大報神祇來饗福祿並膺

逃惟萬邦之歡永賴一人之慶臣叨官禁路竊食祠  
庭禮有執牘莫預駿奔之列欣同擊壤徒深抃舞之  
憤臣無任

華陽集卷第九畢

華陽集卷第十

表

宋張綱

彥正氏著

奉上 皇太后冊寶賀表

臣某言臣恭聞十二月十二日奉上 皇太后冊寶

者詔奉慈闈肇正母儀之位禮嚴寶冊聿彰聖孝之  
隆臣某誠歡誠忭頓首頓首竊以聖人之德無大乎  
事親天下之尊莫先于顯號欽惟母后體順坤元立  
子生商上協有娥之瑞維莘纘女遠同太妣之賢輔  
佐先朝儀刑內壺眷大明之保佑宜長樂之推崇恭



惟皇帝陛下明德懋昭孝誠克篤暫阻慈顏之奉  
靡遑宸慮之安爰舉舊章式隆徽稱因親教愛眇四  
海以深仁率土均歡尚一人之有慶臣叨官邇列竊  
食外祠北向稱觴願走趨之莫預東朝視膳指旦暮  
以為期臣無任

磨勘轉左朝散大夫謝表

臣某言今月十八日依奉告命以臣磨勘蒙聖恩授  
左朝散大夫依前充徽猷閣待制特封金壇縣開國  
男食邑三百戶差遣賜如故臣已于當日望闕謝恩  
祇受訖計日為勞方慚功令進官以叙忽奉贊書撫

躬何以堪任拜命莫知所措臣某誠惶誠懼頓首頓  
首伏念臣學非博古智昧趣時早玷明揚犬馬未伸  
于報効中遭難禍桑榆已迫于哀殘誤被聖知尚聯  
法從既竊祠庠之祿復安里社之私毫髮無功敢累  
陟明之典絲綸假寵遂偕增秩之科併錫戶封肇開  
爵邑願便蕃之下逮宣綿薄之能勝茲蓋伏遇皇  
帝陛下任賢使能立政造事欲熙庶績遠稽三考之  
文武謹銓曹大計羣吏之治苟未罹于罪咎咸獲被  
于褒陞有若孱庸獨多僥倖隆天重地固莫喻于洪  
恩殞首捐軀誓不移于素節臣無任

紹興十二年再任宮觀謝表

臣某言臣昨為宮觀任滿陳乞再任續奉勅命候今  
任滿日令再任臣已即時望闕謝恩祇受訖奉祠滿  
歲每懷尸素之慚錫寵自天再遂安閑之請官不易  
舊得之若驚臣某誠惶誠懼頓首頓首伏念臣頃以  
瑣材謬陪法從勞能弗著罪戾彌深投閑已出于寬  
恩式序更躋于邇列中遭家禍誰憐陟岵之悲甫畢  
喪期首拜循墻之命既參華于內閣復叨祿于殊庭  
藏拙甚宜計功何有坐移歲筭時遽迫于終更仰叩  
宸旒志欲仍于舊貫敢圖洪造亟下俞音當棄榆遲

暮之年荷天地陰寬之德矜其樗散賜以龍光揆厥  
所蒙其何以稱茲益伏遇 皇帝陛下勵精庶政允  
釐百工道本曲成各隨材而因任仁由博愛咸稱物  
以無私故于下愚特從所欲臣敢不恪遵義訓謹佩  
忠規羞神武之衣冠願餘生未能報國夢長安之鐘  
鼓雖一息不敢忘君指心誓天捐軀有日臣無任

懿節皇后上僊慰表

臣某言臣今月一日恭聞 大行皇后奄棄宮闈伏  
讀詔旨殞越失次臣某誠悲誠感頓首頓首伏以  
大行皇后淑德懿行居順履中早正六宮佇徽音之

內肅方迎重翟俄計問之北來遠暨寰區同深孺慕  
恭惟 皇帝陛下禮先宗事望隔坤儀願少抑于皇  
情庶克安于邦計臣伏限職任在外不獲躬詣闕庭  
臣無任

皇太后還闕賀表

臣某言臣恭聞 皇帝備法駕至臨平奉迎 皇太  
后還宮者馳使節以交鄰爰示一人之孝奉慈闈而  
返國式均萬寓之歡光照冊書福及宗社臣某誠歡  
誠忭頓首頓首竊以崇高莫大于富貴愛欽必盡于  
尊親故周武篤生實本維莘之慶而漢文踐祚乃先

薄后之迎禮雖備于前聞事莫難于今日恭惟 皇  
帝陛下堯仁天覆舜孝日隆瞻望母儀極徽音之遠  
想焦勞聖慮思順事以解憂精誠既格于穹昊盟好  
果通于殊壤風雲萬里宇宙一心共寬陟屺之思亟  
透安輿之至駐臨平之法駕既展上儀奉長樂之慈  
顏即安大養威德之事曠古所無臣竊祿祠庭叨官  
禁路東朝問膳想聞環珮之聲北面稱觴阻造駕鸞  
之列臣無任

紹興十三年冊立皇后賀表

臣某言伏覩制書恭聞冊立皇后禮成者天作之合

禮既備于宮闈王假有家化已行于寰宇一人襲慶  
萬世蒙休臣某誠歡誠忭頓首頓首臣聞治道所先  
人倫為大周南歸美于后德王化始基義易正位于  
家人天下自定坐致本支之茂適觀風俗之醇恭惟  
皇帝陛下性體堯仁躬行舜孝念祖宗繼嗣之重稽  
天地合德之宜奉承長樂之訓言聿嚴壹制參考永  
平之故事爰舉徽章告虔昭格于璇穹錫命寵臨于  
寶冊在禮為稱于古有光臣叨備從班獲聞盛典形  
史之脩內治方率職于坤儀封人之祝多男佇迎祥  
於震索臣無任

紹興十三年郊祀禮成賀表

臣某言臣恭聞今月八日郊祀禮成大赦天下者秩  
彌文而饗帝既藏上儀歛諸福以錫民亟敷大號時  
方日至喜若春回臣某誠歡誠忭頓首頓首臣聞萬  
物皆本于天繼天者必嚴于父事五經莫重于祭主  
祭者尤謹于親郊允屬熙朝恪遵鉅典恭惟 皇帝  
陛下聖由天縱德以日新孝悌通于神明永泰東朝  
之養忠信行乎蠻貊坐寬北顧之憂時和歲豐而百  
谷順成兵寢刑措而四民休息丕顯中興之效比隆  
極治之時爰率舊章聿修夫報肇新寶輅儼千乘萬

騎之容謁款紫壇螿一統二精之薦告成嘉祀翕受  
龐禧霈惠澤以旁流燭皇明而四達威德之事無疆  
惟休臣職忝外祠身遠近著奉璋濟々莫陪多士之  
班望闕奠奠均賴一人之慶臣無任

紹興十四年再任宮觀謝表

臣某言臣昨為宮觀任滿陳乞再任續奉勅命候令  
任滿日令再任臣已即時望闕謝恩祇受訖官閑竊  
寵有負明時秋滿自言更叨申命仰荷優隆之眷益  
增尺素之慙臣某誠惶誠懼頓首頓首伏念臣家世  
寒微材能淺陋頃由聖擢驟陟禁嚴用乃過于所期

功茂聞于有補奉身去國尚聯內閣之榮無事居家  
更食外祠之祿顧何施于薄技敢自訴于終更方懼  
干誅忽蒙賜可俾遂素榆之計獲依閭里之安內省  
庸虛實惟僥倖此蓋伏遇 皇帝陛下懋昭大德纂  
紹丕圖坐收太平之功默運無為之化譬猶天地順  
萬物之自然故于臣工閱一夫之不獲俯納由衷之  
懇肆推從欲之仁大造難名固無容于報謝餘生未  
盡尚永誓于糜捐

磨勘轉左朝請大夫謝表

臣某言今日九日伏奉告命以臣磨勘蒙恩轉授左

朝請大夫依前充徽猷閣待制進封開國伯加食邑  
四百戶臣于當日望闕謝恩祇受訖課最無稱方俟  
黜幽之命綸言下逮遽頒進秩之恩得過所期悸不  
自定臣某誠惶誠懼頓首頓首伏念臣生逢休運夙  
荷聖知問學不工徒抱朴忠之志材能已試蔑聞施  
設之方既謬職于禁途更猥叨于祠館官閑身逸處  
已則優月要日成計功何有苟違偷安之謹敢希式  
序之榮忽拜寵靈併增爵邑攷循名責實之政負尸  
祿素餐之慚豈伊庸虛有此僥倖茲蓋伏遇 皇帝  
陛下翕受九德允釐百工爰稽考績之文率循三歲  
寧失假人之器叙進一官有如擗散之微亦預階升  
之列臣敢不恭承眷渥益勵搢修景迫桑榆願餘生  
未能報國身居畎畝雖一日不敢忘君臣無任

紹興十五年正旦大朝會賀表

臣某言臣恭聞正旦大朝會應外任臣僚合進表稱  
賀者獻歲發春爰啟三微之序體元居正式嚴百辟  
之朝惟稽古之上儀自中興而創見神人胥悅夷夏  
交歡臣某誠歡誠忭頓首頓首臣聞時莫重于履端  
禮必先于明分肇新寶曆布一歲之始和大開明堂  
會四方而來賀豈惟正班爵之義蓋以隆當宁之尊

屬在熙朝舉茲曠典恭惟 皇帝陛下屆稽天德順  
履乾行合三統于一元既協夏時之正考六年于五  
服更參周制之宜用詔羣司具嚴備物玉帛盛塗山  
之會鼓鐘奏鈞天之和并會星陳拱千官于北極嵩  
呼雷動祝萬壽于南山躋茲太平之文時乃盛德之  
事臣叨恩祠館謬職從班身滯周南念莫陪于執戟  
心存魏闕恍若侍于凝旒臣無任

紹興十六年郊祀禮成賀表

臣某言臣恭聞今月十日郊祀禮成大赦天下者升  
禮泰時熙事告成旋蹕端闈恩書亟下繫一人之有

慶合萬寓以均歡臣某誠歡誠忭頓首頓首竊觀祖  
宗以來咸以祭祀為重考之昭代參厥禮經謂因天  
事天亘百王而同軌故以聖繼聖率三歲而一郊垂  
裕後昆克遵舊典恭惟 皇帝陛下誕膺寶命纂紹

丕圖治已格于敷天不擅成功之美禮特降于饗帝  
是彰報本之誠申大號以戒期詔司存而藏事具嚴  
法駕來羣后之駭奔欽若昊穹秩明靈而裒對方茂  
凝于景貺遂敷錫于庶民迎日之陽配天其澤用布  
積和之氣益昭明德之馨無疆之休于斯為盛臣官  
叨近列職奉外祠祇薦一純莫預豆籩之執燭明四

極徒知葵藿之傾臣無任

丁母憂服闋從吉再任官觀謝表

臣某言今月二日伏奉勅命以臣前任左朝請大夫  
充徽猷閣待制提舉亳州明道宮緣丁母憂服闋從  
吉特蒙聖恩授臣依前官職改差提舉江州太平興  
國宮枉便居住臣已于當日望闕謝恩祇受訖親喪  
外除餘哀未罷皇恩下逮舊寵惟新哀殘曷稱于寵  
光感戴惟增于兩位臣某誠惶誠懼頓首頓首伏念  
臣學非考古仕本為貧偶蒙聖哲之知擢與禁嚴之  
列方喜便私而求志不圖昧祿以挺災銜恤去官但

苟延于視息變除終制敢復望于恩榮忽詔命之俯  
臨叙班聯而如故惕然拜賜恍若更生茲蓋伏遇  
皇帝陛下廣大配天照臨若日惟恐一夫之不獲曲  
成萬物而無遺遂俾陋庸再叨寵渥隆天厚地知大  
造之難酬鏤骨銘肌豈餘生之敢愛臣無任

紹興十九年郊祀禮成賀表

臣某言臣恭聞今月十四日郊祀禮成大赦天下者  
三歲而郊既備成于熙事一人有慶遂敷錫于庶民  
和氣所加歡聲相屬臣某誠歡誠忭頓首頓首臣聞  
國重祀典禮嚴事天自書契以來莫不舉彌文而成



秩唯聖工在上乃能盡精意以感通考古所行于今  
為盛恭惟 皇帝陛下躬勤治道生格時雍推大有  
尚賢之誠享既醉太平之福爰思報本丕闡上儀備  
法駕之嚴恭仰奉一純之荐恍神光之止集誕膺百  
順之歸嘉與熙黎並蒙景既恩書亟下霈澤旁流遠  
同六合之氣增壽萬年之筭臣竊祿祠館叨榮從班  
日斷鴛鸞莫預駸奔之列身同麋鹿但知率舞之勤  
臣無任

磨勘轉左朝議大夫謝表

臣某言臣今月二十六日伏奉告命以臣磨勘蒙恩

轉授左朝議大夫依前充徽猷閣待制進封丹陽郡  
開國侯加食邑四百戶差遣使如故臣已于當日望  
闕謝恩祇受訖計三歲羣吏之治方懼黜幽奉一禮  
十行之書遽叨進秩寵榮過望跼蹐靡容臣某誠惶  
誠懼頓首頓首伏念臣志不自強材無所取蚤誤膺  
于睿獎遂躡置于華途誠已無功尚玷西清之列坐  
而得祿更陪真館之遊身獲家居官無吏責自視衰  
殘之久已慚干冒之多敢意洪慈載加式序班聯既  
進爵邑更新欣蒲柳之再榮竦閭閻而動色茲蓋伏  
遇 皇帝陛下功高邃古治格丕平任賢使能皆量

材而授職積日累月率會課而遷官是謂殊恩均及  
梧質臣敢不祗承命綍遵奉官箴造物無私固難施  
于報効事君有義自當誓于糜捐

華陽集卷第十畢

華陽集卷第十一

表

紹興二十一年再任宮觀謝表

宋張綱

彥正氏著

臣某言臣昨為宮觀將任滿陳乞再任今月十八日  
伏奉勅命候今任滿日今再任臣已即時望闕謝恩  
祗受訖奉祠苟祿歲滿何功從欲推仁詔令再任荷  
皇慈之優卹拊孤跡以增慚臣某誠惶誠懼頓首頓  
首伏念臣賦材甚疎學古不博誤被聖神之選躡躋  
侍從之華坐竊恩榮茂絲毫之報效空糜歲月覺氣

血之耗哀靜惟養拙之方亟上由哀之懇冒塵淵聽  
方大懼于嚴誅祗奉綸言乃再叨于舊物當素榆之  
暮景獲閭里之安居自有庸虛寔為僥倖茲蓋伏遇  
皇帝陛下克仁天覆湯聖日躋體道觀能翕九德而  
咸事量材因任成庶政以惟和故令擗散之姿亦玷  
龍光之施思同造物雖欲報而難名義有捐軀顧敢  
志于永誓臣無任

紹興二十二年郊祀禮成賀表

臣某言臣恭聞今月十八日郊祀禮成大赦天下者  
上帝溥臨既備成于熙事庶邦丕享遂晉決于湛恩

天人交通夷夏呼舞臣某誠歡誠忭頓首頓首竊以  
有國之大饗帝為難得其位而得其時斯舉百王之  
典不欲疏而不欲數宜循三歲之規考古以來于今  
為盛恭惟皇帝陛下性克舜之孝悌躬禹湯之儉  
勤地平天成坐致九功之叙兵寢刑錯聿臻庶政之  
和治已格于丕平禮必隆于大報風嚴清蹕齊謁紫  
壇儼千乘萬騎之容惟祗惟畏奉一純二精之薦是  
饗是宜瞻權大之方升恍雲車而來下神心允答聖  
度彌謙拜既于郊靡擅一人之慶配天其澤式均四  
海之歡臣身恭從班職拘遠服奉璋就列莫階塵土

之榮望闕馳誠但效華封之祝臣無任

除吏部侍郎謝表

臣某言臣伏奉告命除臣尚書吏部侍郎仍賜對衣  
金帶者辭榮晚歲敢萌再仕之心名對嚴宸遂玷六  
卿之貳思加不次身若更生懇避莫回凌兢失措臣  
某誠惶誠懼頓首頓首臣聞圖治以人材為急量材  
乃選部所專注擬分子四時品流動以萬計故中臺  
列職雖率屬以惟均而小宰一司視他曹為最要欲  
革滯留冗濫之弊必求明敏練達之材而臣學陋無  
聞性迂寡合徒以朴忠之守誤蒙聖哲之知蚤擢禁

嚴茂聞績效半生去國空驚齒髮之哀無路報君更  
懼風波之險逮引年而得謝方謀食以偷安豈謂皇  
明曲垂簡恤起從田野頓增朽質之華入覲冕旒欽  
奉玉音之訓俯憐久困復置近班仍假寵于服章俾  
分權于銓綜退惟綿力何以當能不圖晚遇之榮乃  
過初心之望此蓋伏遇 皇帝陛下聖由天縱心與  
神謀廓離照以並觀奮乾綱而獨斷散羣壞植大開  
公正之門拔滯振淹從赴功名之會故雖小物不以  
遐遺內省叨逾若何報稱臣謹當恭承明命仰體眷  
懷激昂已退之心磨勵久荒之業桑榆晚景儻幸駐

于餘光駕蹇馳驅敢辭難于末路莫伸鄙志少荅洪  
慈臣無任

除兼侍講謝表

駕蹇無堪復登于禁路龍光申錫沓至于旬時承命  
自天措躬無地臣某誠惶誠懼頓首頓首臣竊觀睿  
主臨御應期右文躬五帝之聖神臣皆莫及請六經  
之淵懿義各有歸故微言每垂意于討論而淺識類  
難陪于清燕在漢則有班張之博學于唐則推褚馬  
之多聞儻使生于斯時尚恐莫能稱職矧如臣者何  
足道哉占一藝而不精閱百年而向盡名從閑廢已

叨不次之除敢以空疎更冒最高之選顧懇辭而莫  
遂揣涯分以難勝云云闕

除叅知政事辭免表

臣某言臣伏蒙聖慈以臣辭免新除叅知政事恩命  
特降詔書不允者寵命過優非材莫稱忱辭上達聰  
聽未回仰明詔之春溫撫危衷而夕惕臣某誠惶誠  
懼頓首頓首伏念臣孤窮賤士遭遇四朝收之簪屨  
棄遺之餘試以銓衡煩劇之選勞能弗著幽黜是虞  
敢期全度之私更委難勝之任擢升廊廟進貳機衡  
顧茲政令出納之間實賴左右謀謨之助而臣病隨

年而日進心與力以俱疲激濁揚清尚懼曠瘵于一  
職殫智竭慮安能參贊于萬微矧今公道之方行宜  
擇真材而為輔倘不量其非分必自取于疾顛用于  
難犯之威再瀝由哀之懇伏望 皇帝陛下廓大明  
而旁照矜小器之易盈不難渙汗之回俾遂謙摛之  
守庶于高位不至妨賢臣無任

除參知政事謝表

臣某言伏奉告命除臣參知政事尋其辭免伏蒙聖  
慈特降中使賜臣批荅不允仍斷未章者擢置廟堂  
成命由于獨斷與聞機政謏材何以當能懇避莫回

凌兢罔措臣某誠惶誠懼頓首頓首竊以朝廷之上  
治化為先崇建二府之官密贊萬幾之事所以發號  
而施令正賴同寅而協恭非得偉材曷輔大業如臣  
者蚤緣末學謬竊賢科從仕四十三年歷官十有八  
任服膺道義空白首以無聞妄意功名幸丹心之猶  
在晚遇聖神特達之眷名從閑退無懼之中俾貳銓  
曹進陪經幄吏員猥衆持衡莫著于微勞聖學高明  
侍席空慚于淺識方虞罷免忽誤超遷位高躐進于  
羣工命下駭聞于衆聽以是古俗儒而驟參國論以  
窮閭賤士而日近天顏載加品秩之崇增賁服章之

寵身所僥倖人莫比倫恩重命輕感深涕隕此蓋伏  
遇 皇帝陛下懋昭帝德統御乾綱導羣心于公正  
之門措一世于光華之旦用人惟已靡先左右之容  
以道觀能咸責事功之實知臣獲事三朝而未罹大  
過察臣匪躬一節而特躋近班豈伊暮年有此榮遇  
臣敢不祗承命綽恪守官箴非堯舜之道不敢陳贊  
明昌之運僮稷契之言有合肯忘謇諤之忠誓畢此  
生仰酬洪造臣無任

賜生日生餽謝表

臣某言伏奉詔書以臣生日特降中使賜臣羊酒米

麩者門弧記日敢上達于聰聞詔綽宣思乃忽叨于  
異數光生里巷愧溢心顏臣某誠惶誠懼頓首頓首  
伏念臣仕雖為貧才不逮衆導義方之往訓勉晚節  
以遭時誤被眷知擢參機務干鐘浚仕方興弗泊之  
悲初度錫名載值始生之旦豈伊孤藐更辱殊私救  
餽廩之豐儀兼醇醪而飲賜惟大烹之養甚感宜以  
與賢顧小人之腹屬厭寔為冒寵此蓋伏遇 皇帝  
陛下道隆乾施德懋謙光至誠俯逮于臣鄰厚意特  
將于臺餽必熟而薦獲伸永慕之懷惟孝可移誓竭  
孤忠之報臣無任

除資政殿學士知婺州謝表

臣某言臣伏蒙聖恩除資政殿學士知婺州軍州事  
尋具辭免奉詔書不允已于今月十六日祇受告命  
仍賜對衣金帶者嬰疾祈閑方憂冒犯叨榮過望惟  
極驚慚臣某誠惶誠懼頓首頓首伏念臣世出窮鄉  
生逢休運先帝賜臣以上第特見褒嘉陛下擢臣于  
從班屢膺器使第材疎而識暗兼分薄而命窮雖受  
丘山之恩茂問毫髮之報逮迫暮齒猥參繁機責愈  
重而任有弗勝疾益加而力難自勉尸祿既出于深  
謹乞身更荷于軫憐竊惟秘殿之華資本優舊德至

若近畿之古郡宜付長材矧加命綽之榮仍責身章  
之寵顧臣朽質何以當能茲蓋伏遇 皇帝陛下大  
智燭幽深仁遍物謂臣服勞自舊未忘簪屨之遺憫  
臣來日無多特借素榆之景肆頒新命庸示殊私臣  
感極涕零言窮意拙陛辭有日尚期一望于克天郡  
政久虛敢憚疾驅于周道臣無任

知婺州謝上表

臣某言近准告命除臣資政殿學士知婺州軍州事  
臣已于今月初二日到任交割職事訖貳政無功亟  
上祠宮之請分符過望更叨秘殿之華拜命若驚臨



民有媿臣某誠惶誠懼頓首頓首伏念臣生逢休運  
晚遇聖知擢自山林得謝之餘置諸廊廟弼諧之次  
顧庸虛不學之質雖自竭于愚衷當睿知有臨之日  
亦何裨于大政年益衰而告病位已過而將顛載陳  
知止之情乞身退屏敢意均勞之典錫寵便蕃蒙聖  
諭頗惜于去朝謂精力猶堪于共理逮辭天陛復遣  
王人親漉奎章軫念猥加于被服申頒寶帶殊榮頓  
聳于觀瞻辱隆眷之非常在近時而罕有矧茲星郡  
實輔日畿民皆服化而有遷善輯睦之風路不當衝  
而免過客將迎之苦何暮年之竊幸獲善地以偷安

茲蓋伏遇 皇帝陛下發揮聖神崇廣德業攬萬務  
以當宇聚眾賓于本朝舉而用之不與人而求備及  
其老也每從欲以推仁致此孤微亦容忝冒臣夙遵  
宸命躬布藩條眷竊位之暮年善俗稔聞于睿訓幸  
提封之于里承流敵後于他人庶幾桑榆之收少答  
天地之造臣無任

進土貢羅狀

右狀以別九州而作貢蓋分任土之宜供十筭以充  
庭爰屆始喪之候非貴異物式舉彝章前件物本良  
事于蠶繅教女工之組鹿實諸厥篚仰輸三服之勤

掌在尚衣肅備九重之奉敢茲塵冒彌切震惶

賜曆日謝表

臣某言臣進奏院遞宣到一道伏蒙聖恩賜臣紹興二十八年統元萬年具注曆一軸臣已即時望闕謝恩祇受訖者推策成書氣均調于四序授時協政恩首逮于庶却祇拜為榮奉行敢怠臣某誠惶誠懼頓首頓首恭惟 皇帝陛下天臨廣宇春育群生探蹟陰陽合乾行之密度同文夷夏前民用以頒條臣謹當佩服聖謨恪恭郡事仰日星霜露之變既獲考于常經順析因夷隩之宜期助成于至化臣無任

再致仕謝表

臣某言近緣年老年多病陳乞致仕今月十八日伏奉告今蒙恩特授臣左大中大夫依前充資政殿學士致仕臣已即時望闕謝恩祇受訖陳力不能屢上乞骸之請推仁從欲更叨增秩之恩身既返于田廬職尚聯于禁密始終厚遇朽謝奚堪臣某誠惶誠懼頓首頓首臣聞禮存致仕之文國重憫勞之典乃治古優賢之遺意寔人臣歸老之至榮句非其人未免有愧如臣者起家寒賤遭世盛明受寵三朝效官四紀晚荷非常之眷名從得謝之餘俾再仕于清時已為

忝冒貳卿而聞政更極趨踰上焉累世蒙休下則  
舉宗被澤逮辭疾而去位猶分符于善邦凡茲寵數  
之優隆皆過皆過平生之分量報于糜隕年還迫于  
哀殘自知無補于公家豈敢坐糜于稍廩是祈退屏  
以苟生存睿聽俯回既特從于至懇官聯序進仍曲  
示于殊私顧終身無尺寸之伐可稱而未路荷保全  
之恩如此慙顏莫寄感涕交流茲蓋伏遇 皇帝陛  
下博愛而行義之宜至誠而盡人之性知臣撲直少  
無能而老亦何為察臣哀病心雖勤而力有不逮俯  
憐舊物特昇殘生息駕駕駘雖戀軒而無路懷忠猷

畝猶結草以為期臣無任

紹興二十八年郊祀禮成賀表

臣某言臣恭聞今日二十三日郊祀禮成大赦天下  
者饗帝于郊函蒙于社福配天其澤鼓動于風雷凡  
厥有生罔不咸賴臣某誠歡誠忭頓首頓首臣聞禮  
之大者非聖莫行誠苟至焉雖幽可格允屬亨嘉之  
會克成孝奏之儀恭惟 皇帝陛下體統乾之粹精  
廓大觀之中正德功兼茂遠配五三六經之傳符瑞  
游臻豈止數于百所之威肆昭大報丕藏彌文精意  
上昭百鬼迪嘗于嘉薦明靈並貺三呼肅動于侍祠

靡專滋至之休亟布維新之令滌瑕蕩穢褒德賞功  
聿彰晏粲之風於緝會通之典臣叨恩暮齒得謝窮  
鄉望初日于紫壇阻陪籲俊接歡聲于白叟徒幸遭  
時臣無任

皇太后慶壽賀表

臣某言臣恭遇皇太后聖壽新歲八十皇帝陛下  
下于宮中行慶壽之禮特降詔書推恩天下者上儀  
肅脩侈萬壽于東朝溫詔俯頒浹多歡于率土矧是  
服乘之舊尤深舞抃之情臣某誠歡誠忭頓首頓首  
竊以周紀太妊靡著年齡之永魯歌壽母茂聞位號

之崇曷若熙朝兼隆備福

皇太后含光坤載育德

聖躬長樂尊嚴極天下之大養龜臺清淨得道家之  
長生鴻算方隆綿區永賴恭惟皇帝陛下仁同天

覆恩厚母慈三朝不懈于雞鳴務盡恪勤之禮萬歲  
允符于芝瑞聿彰孝友之誠屬歲籥之更端奉寶觴  
而稱慶欲廣濟民之化爰推錫類之恩眇古昔以創  
聞實邦家之盛事臣嘗叨近列久去清朝不謂餘生  
獲觀曠典退藏猷畝徒占南極之祥注想慈寧阻奉  
蟠桃之獻臣無任

卷十一

華陽集卷第十一

華陽集卷第十一

華陽集卷第十一

華陽集卷第十一

華陽集卷第十一

華陽集卷第十一

華陽集卷第十一

華陽集卷第十一

華陽集卷第十二

宋張綱

彥正民著

表

紹興二十九年加恩謝表

臣某言今月二十八日伏准告命以郊祀大禮赦恩  
 加臣食邑三百戶食實封一百戶臣已即時望闕謝  
 恩祇受訖禮備郊丘既錫萬方之慶身居畎畝亦均  
 列辟之恩國雖有常臣實增媿臣某誠惶誠懼頓首  
 頓首伏念臣叨逢興運嘗忝近班負至愚不學之才  
 辱上聖非常之眷乞骸盛世方竊幸于餘生冀壁中

增曾莫陪于熙事敢期朽質尚冒殊榮不惟增行于  
本封且復併加于真賦明綸俯被感涕交流此蓋伏  
遇 皇帝陛下道與時行人無遐弃推廣輝胞之昇  
特優簪屢之餘犬馬已疲知難酬于異顧雲天在望  
徒銜結于危衷臣無任  
顯仁皇后上僊慰表  
臣某言臣伏觀今日二十一日 皇太后遺誥奄棄  
大養號慟震驚殞越失措臣某誠悲誠感頓首頓首  
伏以 皇太后誕生神聖追配姜任方享遐齡遽返  
僮路恭惟 皇帝陛下孝愛本自于天性哀衷必過

于人情仰乞上念宗祊俯從禮制少抑晨昏之慕用  
安夷夏之心臣退伏田野不獲奔赴闕庭臣無任

欽宗皇帝升遐慰表

臣某言臣伏聞孝慈淵聖皇帝厭世升遐中外臣民  
號痛如一臣某誠悲誠感頓首頓首竊以 孝慈淵  
聖皇帝體道淵淨逢時艱虞比狩未還僮期奄迫恭  
惟 皇帝陛下友愛方懷于遐裔哀恫忽感于訃音  
天數莫逃聖情難處仰乞深恩付託少抑哀摧上安  
宗社之靈下副黔黎之望臣哀遲得謝退伏田野不  
獲奔赴闕庭臣無任

紹興三十一年明堂禮成賀表

臣某言恭聞今日二月明堂禮成賀赦天下者肅九  
筵而享帝於昭陟配之儀歛五福以錫民茂舉滌瑕  
之典龐鴻所被舞蹈惟均臣某誠歡誠忭頓首頓首  
竊以禮莫重于承天孝必先于嚴父考國家之大祭  
侑祖考而迭尊刺經之中惟聖時克恭惟 皇帝陛下  
至仁御宇盛德寧神推生民之功雖郊禋之屢展  
總下武之命顧宗祀而敢稽乃發渙音載揚熙事我  
將我享而時物兩盡不怠不煩而情文孔昭萬壽無  
疆既順成于天慶五刑有赦爰誕布于國章道洽幽

明光垂簡冊臣自初遭遇接老衰殘心存王者之堂  
儼豆籩而可想身被野人之服望鵠鷺以難追徒竭  
孤忠少陳善頌臣無任

紹興三十二年加恩謝表

臣某言臣今日二十六日伏唯告命以明堂大禮赦  
恩加臣食邑三百戶臣已即時望闕謝恩祇受訖饗  
帝合宮威儀既舉均釐列位折質奚勝臣某誠惶誠  
懼頓首頓首伏念臣過主一生致身二府捐軀報國  
雖素志之未渝急景周年曾寸勞之莫效上聖嚴禮  
而昭孝庶工祗載以盡誠初無奔走之勤敢意龐鴻

之逮茲盡伏過 皇帝陛下法天懋德稽古馭臣謂  
大祭大則澤宜豐不以人微而禮遂廢肆推茂渥俯  
及衷蹤臣拜命凌兢捫心感懼明綸輝耀但知傳寶  
于子孫病骨虺殘難復仰酬于覆幬臣無任

紹興三十二年冊立皇太子賀跋

伏聞皇太子殿下升儲位定受冊禮成不聞邇遐同  
深慶幸 云 竊以問安祝嘏孝篤于在三監國撫軍  
義符于明兩克光盛典允屬元良伏惟殿下英精凝  
姿溫文懋德久繫人神之望是膺七鬯之司罄萬邦  
而宅心知九鼎之增重臣退身耄及荷國恩深徒跂

仰于星輝阻進瞻于玉裕丹衷竊怵倍百常倫

禫位禮成賀太上皇帝表

臣某言臣伏親詔書恭聞太上 皇帝陛下今月十

一日禫位禮成者肅詔春官光傳寶位盛德之事曠  
古罕傳臣某誠歡誠怵頓首頓首恭惟 太上皇帝  
道合祖宗量包天地災圖再造備經三紀之憂勤黃  
屋何心思享萬年之壽考運神謨而獨斷舉曠典以  
必行禮方盛于建儲命亟聞于與子克以位傳之舜  
遐處無為之為周之曆久于商永尊衆父之父臣生  
平冒寵老病辜恩聆大號之聿頌撫孤忠而自感朝



太公于五日阻陪仗衛之趨祝唐帝于千秋但切精誠之懇臣無任

皇帝登寶位賀表

臣某言臣伏覩敕書恭聞 皇帝陛下登寶位大赦天下者位正乾元宗祧永賴恩流渙號夷夏交欣臣某誠歡誠忭頓首頓首恭惟 皇帝陛下濬哲在躬淵冲稽古允若謳歌之咸戴居然曆數之有歸爰御飛龍遂安神器以聖繼聖遠追堯舜之蹤雖休勿休佇洽義農之化臣頃叨華近今困衷遲法座凝旒望龍顏而可想昕庭輯瑞筵鶴序以無階臣無任

車駕巡幸起居表

邊檄交馳皇輿順動赫先聲于有截空大敵以無前臣某誠歡誠忭頓首頓首恭惟 皇帝陛下纂紹丕圖憂勤庶政憤犬羊之干紀戒虎旅以徂征詔舉時巡方肅鳴鸞之伏士爭賈勇咸均挾纊之恩恢復之期可坐而策即日餘寒在候六飛御途神動天隨聖躬萬福臣身居畎畝分隔雲霄仰跂清塵雖違顏于咫尺恪尊嚴令阻扞牧以奔趨臣無任

隆興元年冊立皇后賀太上皇帝表

臣某言臣伏覩制書恭聞今上 皇帝冊立皇后者

聖神傳序道必本于正家柔順居中禮益尊于大養  
時乃鉅典決于歡心臣某誠歡誠忭頓首頓首臣聞  
首風化者治內于閨門明人倫者造端乎夫婦既格  
移風之效復詔燕翼之謀徽教孔昭熙朝劇見恭惟  
光克壽聖太上皇帝陛下儲神淡漠軫慮淵深念嗣  
聖之紹休屬長秋之虛位聿求邦媛載穆坤儀五日  
以朝太公肇新中饋之助二南之得淑女更懋始基  
之圖臣夙荷殊恩欣傳渙號從鳴鸞而問膳想聞環  
珮之聲瞻黼座以稱觴阻預簪纓之列臣無任  
又賀太上皇后牋

臣某言臣伏覩制書恭聞今上皇帝冊立皇后  
者椒房正位聿新教化之原寶冊流光肇武邦家之  
慶禮成禁掖觀動華戎臣某誠歡誠忭頓首頓首臣  
聞乾坤合德而茂有羣生日月並明而照臨西海自  
昔有為之主必資內助之賢選建柔良屬當熙洽恭  
惟皇帝陛下齊家憲古篤孝奉親惟中壺之久虛  
慮陰教之或缺稟訓言于壽聖淑先窈窕之求發渙  
號于昕朝或覲禕禴之盛一人受福百世垂休臣荷  
至深投老無用不圖晚景獲覩上儀萬壽稱觴顧莫  
陪于旅進二南紀德徒竊誦于流芳臣無任

又賀皇后踐

臣某言臣伏覩制書恭聞 皇后正位宮闈者柔儀  
告成陰教有主是興正始之道以立太平之基臣某  
誠歡誠忭頓首頓首臣聞御于家邦必本人倫之叙  
首以風教寔由內治之修禮既行于會通時自臻于  
福祿恭惟 皇后殿下塗莘績慶姪妣推賢占符立  
馬之祥譽見濯龍之兆台王后之五輅已均厚載之  
功仰天極之四星更廣照臨之惠臣無任  
乾道元年郊祀禮成賀表  
臣某言臣恭聞正月一日郊祀禮成者主神器以宅

師夙懋靈承之敬陟泰壇而類帝肇迎滋至之休幽  
顯燮和華戎慶賴臣某誠歡誠忭頓首頓首竊以祀  
者國之甚重禮非時而不行因天事天尊祖聿嚴于  
大報基命定命承祧尤謹于初郊恭惟 皇帝陛下  
躬舜繼堯系唐接漢久協謳歌之戴靡忘燔燎之恭  
稟壽聖之成謨舉圓丘之大典慮軍興而改卜心蓋  
務于專精用人正之初元事益光于故實昊穹昭答  
瑞游臻躋富壽于斯民永延洪于丕祚臣身居猷  
畝望絕霄雲顧俊克庭難綴奉璋之列可封成俗但  
賡擊壤之謠臣無任

辭免召赴行在恩命謝表

臣某言臣近具奏辭免召赴行在恩命今日二十八日准尚書省劄子奉聖旨張某一時老成朕所渴見已令趣召乃以耄老為辭重違雅志可從所請令所在州軍常加存問仍賜羊酒者叨恩趣召輒陳衰病之情從欲推仁更冒撫存之寵危衷激切感涕交橫臣某誠惶誠懼頓首頓首伏念臣素乏時才久愆旅力報國罔施于尺寸捫心空負于生平忽聞收召之音衆謂死灰之復煇自揣支離之骨獨嗟老馬之先疲與其上誤于使令孰若退安于分守是殫悃

幅仰覲哀憐載惟聖主龍飛尚阻造庭之敬况復邊隅雲擾尤非避事之時竊料微蹤必嬰嚴譴孰意乾坤之造曲昭螻蟻之誠垂溫旨以丁寧既遂桑榆之志款有司而存問更加牢醞之頒得過所期愧何以稱茲蓋伏遇皇帝陛下接下以禮推恕及人知臣樸拙而非敢矯誣察臣病瘁而莫能強勉靡愛優隆之澤用增枯朽之華臣荷眷益深謝生無路風雲遇合雖絕望于攀鱗猷詒優游但懷忠于結艸臣無任

乾道元年加恩謝表

臣某言臣今日十一日伏准告命以隆興二年十一

月二十九日冬至詔書進封臣開國公加食邑三百  
戶臣已即時望闕謝恩祇受訖至仁恤祀特先事以  
疏恩朽質辭榮復隨班而冒寵光生爵邑愧溢心顏  
臣某誠惶誠懼頓首頓首伏念臣身起布韋家無倍  
石偶玷高華之列已深溫飽之慚敢意垂年復叨異  
數植圭貴重遂首冠于諸侯采地豐饒更增加于多  
戶退念乞骸之久初無橫草之勞得之若鶩悸不自  
定茲蓋伏遇 皇帝陛下丕承大業肇舉明禮卜郊  
爰徙于權宜需澤靡嫌于過厚甫及初陽之日亟頒  
大賚之音罔間孤微俾偕序進臣桑榆景迫犬馬力  
疲寶軸熒煌但覺光輝于梓社丹心感切無緣舞蹈  
于冀階臣無任

乾道元年冊立皇太子賀太上皇帝表

臣某言臣伏覩制書恭聞 今上皇帝冊立 皇太  
子者大廷發冊肇基國本之安萬乘稱觴式表家傳  
之慶綈儀創見至養彌隆臣某誠歡誠忭頓首頓首  
竊以稟曆算于慈闈正重明于上嗣是謂兩宮之兼  
美誠非百代之可傳恭惟 光堯壽聖太上皇帝陛  
下德冠二儀量包衆甫探至道于旒韋伏羲之上閱  
成功于夏康周宣之時爰方樂于含飴禮遂觀于主

營子又孫而孫又子益知問寢之恭天占人而人占  
天咸驗卜年之永臣叨恩惟舊卧疾增深霈澤多方  
但切遭逢之幸班朝五日阻陪蹈舞之趨臣無任

又賀 皇帝表

臣某言臣伏覩制書恭聞冊立 皇太子者儲宮正  
位昭大慶于宗祧顯冊告庭決多歡于夷夏臣某誠  
歡誠忭頓首頓首竊以周室教行于三善漢家頌美  
于重光蓋考震離之文取侔星海之象恭惟 皇帝  
陛下以天地為量以祖宗為心躬大養而不違于睿  
謨舉盛禮而獨高于往牒天下之本既立聖人之功

孰加臣退窮山欽聞曠典雞鳴鶴禁遙知問寢之恭  
鷺集鳩墀阻預稱觴之列臣無任

遺表

臣某言臣伏為疾患危篤上遺表者抱病衡門已絕  
再生之望馳心魏闕輒伸將死之言臣某誠惶誠懼  
頓首頓首伏念臣脫迹蓬蒿參華簪紱伶俜一介遭  
遇四朝絲經濟之才踈故功名之念薄頃投閑散屢  
閱星霜 上皇擢貳政機冒寵僅周于歲律陛下再  
頒名節卧疴莫造于天墀宸心終始以務憐異數便  
蕃而存問乾坤大造獨厚孤微蒲柳殘生知難稱塞

方幸優游于樂土庶幾休養于餘齡而臣福過災生  
鐘鳴漏盡負薪之憂寢劇屬續之息僅存雖人生如  
過隙之駒光陰易捨然情迫若戀軒之馬恩德難忘  
伏望皇帝陛下體道御時配天立極施仁發政躬  
周后之憂勤修己安人法唐堯之慈儉懷柔夷狄褒  
禮忠良上遵一定之規模益固無窮之基緒臣形將  
就本志切傾葵想清禁以魂迷撫殘骸而涕隕上茂  
陵之書而獻媚肯效前人結輔氏之艸以酬恩尚期  
異日臣無任

華陽集卷第十二畢

華陽集卷第十三

疏

徽宗天寧節功德疏

宋張綱

彥正氏著

乘天德而出寧誕記流虹之瑞佇時巡之歸格遙傾  
就日之心虔叩覺慈仰祈睿算庶竭涓塵之助少酬  
覆幬之私道君太上皇帝伏願六氣御和三靈垂  
佑迎太公而還漢載嚴五日之朝慶靈武之興唐永  
奉千秋之節

欽宗乾龍節功德疏一

華陽集

卷十三

一

大德必得其壽固自享于延洪忠臣遠不忘君更欲  
申于報効屬紀誕彌之節度依無碍之慈同厥有生  
咸傾善頌恭惟淵聖皇帝陛下宅心齊聖體道淵  
冲恭勤出天性之自然孝友造人倫之極致南薰應  
律徒知揖舜之風朔野時巡猶隔就光之日伏願密  
回天鑒坐擁神休兩國交歡停六飛之旋轡萬年祝  
聖偕百辟以稱觴

二

上聖篤生肇千秋而紀節群心胥慶敢一日而忘君  
注想玉毫投誠金地庶憑願力上贊皇齡孝慈淵

聖皇帝陛下伏願擊道德之精剛玩神明之昭曠自  
天降福與時偕行返瑤池八駿之遊對周邦之咸喜  
享嵩嶽三呼之祝陰漢祚于無窮

三

純乾紀月載震開祥北望堯天未報生成之德仰瞻  
佛日用伸祈嚮之私孝慈淵聖皇帝陛下伏願體  
道淵冲玩神昭曠問途收馬回法駕于襄城占瑞老  
人對靈光于南極

四

葵藿微生猶知向日簪紳舊物敢忘愛君載臨震夙



之辰寅奉重修之禮莫憑法力默佑清躬孝慈淵  
聖皇帝陛下伏願德隨日新誠動天墜六飛在御早  
回朔野之巡萬壽無疆克配南山之詠

五

配天感德欲報難名彌月紀辰敢忘善頌庶竭涓埃  
之助少伸犬馬之私孝慈淵聖皇帝陛下伏願上  
帝眷臨百神儼衛駕雲龍之駟按平路以南旋占箕  
翼之星固皇齡而北拱

六

義日南交初屆長贏之候堯雲北望載臨震夙之辰

罄寰宇以均歡竭忱辭而請祝孝慈淵聖皇帝陛下  
下伏願神祇祖考昇景福以彌昌山阜岡陵茂皇齡  
而益固

乾龍節滿散道場文

虹渚開祥屬此正陽之月雲天在望曷勝就日之心  
用虔祝于皇齡輒仰憑于慧力淵聖皇帝陛下伏  
願三靈垂佑六氣御和至孝自格于神明感德永膺  
于福祿順斗杓之南指迤旋八駿之遊過嵩嶽而聞  
呼永享萬年之福

高宗天申節功德疏一

天其申命用休誕紀生商之節臣能歸美報上同傾  
戴舜之心仰叩覺慈虔申善祝 皇帝陛下伏願仁  
恩天覆威令風行復廟社于中原茂本支于皇祚坐  
明堂而朝萬國閱八千歲之春秋彊戎索以禦四夷  
作億兆民之父母

二

威德在火流光統樞開長發之祥普天同慶效華封  
之祝擊壤成謠 皇帝陛下伏願宗社安安蠻夷率  
服國史播豐年之詠司空廣輿地之圖治定功成案  
六經而較德天長地久參萬歲以成純

三

赤伏標符爰啟中興之運瑤光貫月肇開長發之祥  
屬令節之載臨罄綿區而申祝願叨法從敢忘愚誠  
皇帝陛下伏願聖德上昭皇威遠暢成大功以安四  
海歛厚福以浸黎民載新輿地之圖恢中原于有截  
誕受泰元之筭纂丕祚于無疆

四

惟皇作極被四表以尊臨申命自天垂萬年而永固  
爰屆誕彌之節載傾請祝之誠庶竭涓埃上禱海岳  
皇帝陛下伏願參天地而化育並日月以照臨威彊

成于道德而九服來王孝弟通于神明而兩宮返國  
築靈臺而偃伯用彰無敵之仁開壽域以躋民同享  
太平之福

五

彌月屆期協火德自然之應後天祝奠叩金匱無碍  
之慈顧微塵何補于丘山維向日自傾于葵藿恭惟  
皇帝陛下聰明體道孝悌通神繼好息民泱泱歡聲于  
遐邇刺經作制新隆典于明昌燕臨出震之辰宜獲  
自天之佑伏願四時不忒萬國咸寧稽三百五篇之  
詩既醉已歌于至治採七十二君之制升中遂告于

成功

六

皇天眷命上帝篤生肇八荒再造之基祥開華旦垂  
萬世無疆之福歡浹羣倫用傾向佛之心仰罄祝堯  
之請 皇帝陛下伏願握符御極旋乾轉坤四時平  
而風雨時五穀熟而民人育新又新而不怠德銘益  
懋于湯盤朔更朔以無窮神英彌增于漢曆

七

火德當陽方啟明昌之運樞星照野載臨震夙之期  
爰即寶坊聿嚴法會 皇帝陛下伏願體道淵靜儲

神穆清自本自根長上古而不老卜年卜世嗣大曆  
以無疆

八

蕤賓在候昭威德于炎精長發其祥下靈光于華渚  
於赫生商之旦有開復禹之基屬令節之載臨均綿  
區而申祝 皇帝陛下伏願三靈助順六合同風政  
陶<sub>二</sub>而日新福簡<sub>二</sub>而滋至三萬里農桑之本版圖  
益廣于邊封八千歲春秋之期實曆彌增于睿算

九

表王萬邦惟君為大靈承上帝何福不除矧當彌月  
之期更切後天之祝 皇帝陛下伏願誕膺百順丕  
式九圍老人呈南極之祥神笑授泰元之秘我無為  
而自化熏陶益廣于堯仁聞威德而偕徠玉帛常趨  
於高會

十

道莫大于帝王方隆景運功已參于天地何假頌言  
惟載夙之昌期實綿區之共慶欲效涓塵之報不勝  
葵藿之傾爰即淨坊聿嚴法會 皇帝陛下伏願體  
道淵靜儲思穆清時和歲豐而叶氣橫流禮制樂作  
而頌聲洋溢文謨武烈冒率土以歸仁舜日堯天垂

後天而難老

十一

瑤圖在御萬方瞻北極之尊虹渚呈祥百辟獻南山  
之壽茲仰憑于佛力莫申祝于堯仁 皇帝陛下伏  
願六氣御和百神受職考七十二君之錯事聿陳梁  
甫之儀閱千二百歲以脩身盡得廣成之道

十二

千齡撫運為天下君萬國傾心祝聖人壽况忝服乘  
之舊載逢震夙之期爰即寶坊用嚴法會 皇帝陛  
下伏願乾行剛健離照光明體道御時道甚大而王

亦大立政勸化政日新而德又新生成不宰之功永

嗣無疆之曆

十三

天佑寶圖時生真主百靈儲祉咸趨震夙之期四海  
均歡啟後延洪之祝 皇帝陛下伏願懋昭大德適  
駿有聲並日月以正明運陶鈞而獨化天開地闢揮  
八極以凝神治定功成握萬年之景命

十四

星火當天五百歲篤生于上聖香花供佛三千臣同  
竭于一心庶憑覺海之慈仰贊壽山之固 皇帝陛

下伏願體乾之健如日之升建皇極以錫庶民坐明  
堂而朝萬國魚鳧遂性樂舜德于薰絃箕翼占祥永  
漢圖于神笑

十五

雷厲風飛方大中天之業虹流電繞載臨彌月之期  
望玉階以歡呼叩金僊而請祝 皇帝陛下伏願決  
柔用夫行健乘乾赫厥聲而耀厥靈與乎神而進乎  
智侍有近之勝皇都坐復于輿圖受無疆之休睿莫  
永齋于箕翼

十六

成功不居坐享無為之樂大德必壽欣逢載風之辰  
眷疎遠之微踪負恩私而莫報唯憑善頌少效愚衷  
光堯壽聖太上皇帝陛下伏願體道希夷儲神淵靜  
擴孫謀而詒燕開寶運之亨嘉萬乘稱觴永尊天子  
之父千齡御辨同符象帝之先

十七

星樞紀瑞方申過曆之期鸞輅陳儀肅奉稱觴之禮  
事獨高于曠古歡允浹于羣黎曾是叨恩敢忘善  
光堯壽聖太上皇帝陛下伏願游神昭曠問道崆峒  
體太極以函三法乾元而用九坐觀聖子述成萬世

之功永鎮皇圖安享千秋之養

十八

赤符應瑞既成復古之勳黃屋非心爰享後天之奠  
式遂誕節更瀝懇祈 光克壽聖太上皇陛下伏願  
氣襲堪輿心游淡漠迪亨嘉于豐豫齊久大于乾坤  
舉漢帝之玉卮益隆至養受唐臣之金鑑永鎮丕圖

天申節啟建道場文

炎帝執衡司夏誕彌曆火運之昌文王受命作周光  
祚協帝齡之永願威德何施于善頌惟羣心欽效于  
愚誠恭啟法筵仰祈慧照 皇帝陛下伏願惟皇建

極申命自天靖疆場以無虞洗甲兵而不用開八荒  
于壽域均調天地四時之和朝五玉于明堂永作神  
民萬物之主

天申節滿散道場文

流電統樞兆一人之有慶斲蠶立極均萬寓以蒙休  
載臨彌月之辰祗率周行之士咸趨法席用竭愚誠  
皇帝陛下伏願彝倫叙乎九疇治道貫乎三極風雨  
時而五穀熟于戈戢而四海平如日之升益懋昭于  
威德後天而老期永御于洪圖

會慶節功德疏一

膺正統以當天光啟繼明之運紀誕彌于良月丕昭  
受命之祥仰叩能仁虔申善頌 皇帝陛下伏願新  
美庶政緝熙大猷三靈吐格于繁禧四海皆臣于威  
德盡事親之道萬年均壽聖之歡簡上帝之心百世  
邁岐周之曆

二

甲觀開祥仰千齡之盛旦祗園獻祝竭四表之歡心  
矧夙荷于殊恩顧敢忘于善頌 皇帝陛下伏願百  
靈薦祉六合承風單于趨渭上之朝博士刺經中之  
制天長地久參萬歲以成純子孝父慈會一人之有

慶

三

為天下君上帝啟誕彌之慶祝聖人壽黎元均愛戴  
之心蓋有生蒙雨露之恩念無路效涓埃之報肆殫  
願力仰叩佛蒙 皇帝陛下伏願體道御時配天立  
極漢廷多暇躬太公五日之朝周曆無疆介君子萬  
年之福

四

受命當陽咸仰誕彌之慶傾心向佛虔伸頌禱之勤  
莫仗慈光聿崇睿算 皇帝陛下伏願德參上古業



廣中天繫弓矢而戢干戈考制度而正禮樂燕周王之孫子益茂本支奠漢室之山河永觀帶礪

皇太后生辰功德疏

道盛丹儀夙肇生商之慶祥開宮壺載臨夢月之期爰啟琅函仰祈鴻奠皇太后殿下伏願百神薦祉六氣御和歌聖德于思齊本支益茂奉慈顏于長樂壽考無疆

皇后生辰功德疏

紫房正位夙著于柔儀黃氣占祥載臨于誕日虔申頌禱仰贊延洪皇后殿下伏願道集坤元福流震

慶  
索承顏長樂同臻萬壽之期協德闕睢永輔一人之

徽宗皇帝追薦道場疏

弓劍上賓痛龍胡之莫附香花修供捨檀海以疇依法會有嚴威神如在超登彼岸願同梵釋之遊陟配在天永錫邦家之福

寧德皇后追薦道場疏

坤儀永閱曷勝長樂之悲佛法無邊用啟華嚴之供人天永會鐘唄宣揚仰祈如在之神遂證無生之果

華陽集卷第十三畢

華陽集卷第十四

劄子

論獄囚瘦死劄子

宋張綱

彥正氏著

臣聞詰奸禁暴莫重于獄敗法亂政莫甚于治獄之  
吏恭惟陛下自即位以來每發德音下明詔未嘗  
不以欽恤刑獄為先然近歲吏姦成市未能遽革或  
緣貨鬻或挾怨仇或望風旨或私逞威勢捶楚之下  
欲致之死地往往先以病聞及其已死縣匿之不以  
申州之匿之不以申監司上下相蒙難以稽察按紹

華陽集

卷十四

一

興斲獄勅諸囚在禁病死歲終通計所禁人數死及  
一分則官吏以次斲罪之止杖一百此固法之善也  
然繫囚日死官吏斲罪之文初未嘗舉行夫欲懲其  
苛慘而罪止于杖責之既輕復為虛文宜其吏之不  
知畏也昔漢宣帝詔郡國歲奏繫囚以掠笞若瘦死  
即坐名縣爵里丞相御史課殿最以聞臣愚欲自今  
以後令州縣月具繫囚存亡之數長吏結罪保明申  
提刑司歲終舉行斲罪之法仍每路比較一州一縣  
死囚最多之數具當職官吏姓名取旨黜責其最少  
處亦乞量行褒賞如宣帝故事庶幾慘酷稍懲人無

橫害以廣

陛下好生之德取進止

乞久任劄子

臣聞張官置吏本以為民與民親者莫如監司郡守  
前代以來尤重其選然未有不使之久任而責其成  
功者也國家稽古建官舊以三年為任近歲員多闕  
少率二歲為成資以古驗今已不為久使人人得成  
資而代猶足以稽其功效竊見比年監司郡守往往  
數易或到任未滿一年或纔三兩月輒代去夫郡守  
治一州監司總一路其風俗之厚薄吏胥之欺詐薄  
書訟獄之繁夥非一朝一夕所能省察也借使材術

過人亦必遲之歲月然後可以措乎今乃不待席煖  
數見換易前官視事日淺未完設施而後官已至端  
緒復亂人懷苟且迄無成功又况遠近送迎士卒疲  
苦往來饋給州縣煩費當此艱虞之時豈無所損哉  
臣愚欲乞檢會二年成資旨揮申嚴行下今後監司  
郡守除以罪去不問久近其他並令成資如朝廷選  
材召擢亦必到任一年方許受代所貴吏得安職民  
受實惠取進止

乞令帥守條例利害劄子

臣竊觀陛下即位以來勵精圖治崇諫諍之風而

虛心于敢言之士懋緝熙之學而留聽于勸講之臣  
猶以為未也乃自從官下至百執事皆令以次轉對  
可謂得聽納之道矣然而州郡帥守于民尤親講求  
時務亦應有所論奏雖詔書數下中外奉承其間尸  
官循嘿之人曠日持久曾未聞以讜言至論上徹聖  
覽甚無為也臣伏見仁宗皇帝詔沿邊郡守替日  
各具民間及邊事五件奏聞蓋欲躬垂明聽以察四  
方萬里之遠然則凡在官者孰敢不究心所職哉臣  
愚欲望陛下舉行仁宗故事應諸路帥守不以到  
任久近至替日各令條列本慶利害五事以上畫一

具奏其沿邊州軍仍論邊防急務悉可行于今者庶  
幾人皆竭誠盡慮仰副陛下求言之意取進止

乞嚴邊備劄子

臣竊觀國家自遭夷虜之難繼以奸臣僭竊中原陷  
沒社稷阽危此天下之所痛心疾首恨未有以報也  
比來川陝之師捷書屢至賊境內擾虜氣沮衄是乃  
上天悔禍之時中外人心亦少快矣然臣竊有所慮  
者蓋羣情樂于苟安事變生于所忽天不假易道貴  
難圖今雖警報稍寧然所以自為備者豈可一日廢  
也又况兗渠倣息陰連點虜深謀詭計緩急相應則

羸師張我或未可知傳曰上兵伐謀又曰先為不可

勝以待敵之可勝正今日之先務臣愚欲望陛下

明詔有司日

名御

日常若寇至應沿邊去處無得徹

警要令斥候益遠關防益密訓士卒察奸細以至城  
池樓櫓器械之屬亦宜常切按視以時修葺如此不  
唯物吝素其可以應卒抑使士氣不惰國勢自強恢  
復之基于是在取進止

乞詔大臣兼領史事劄子

臣聞自古帝王之興必有信史備載一時行事所以  
昭示天下後世不可缺也恭惟陛下續紹丕圖于

今七年動勞萬機夙夜不怠將以恢中興之業比迹  
周宣漢光而東觀日曆未有述焉頃因臣寮上言嘗  
詔論撰然自艱難以來簡編散逸時政起居本未不  
備方且重行搜訪內則闕問于百司外則取會于州  
郡既以節目繁夥供報為難又繆秘省權輕諸處視  
為不急雖復文移往返未有汗青之期深恐歲月侵  
久事或失實愈難考正竊見今之著作局乃昔之史  
館祖宗時嘗以宰臣兼之故史權增重臣愚欲望  
聖慈若稽故實特詔大臣兼領史事而委以筆削之  
功庶幾聖朝盛典粲然備舉天下幸甚取進止

論買牛筋角劄子

臣竊謂方今國家之急有二一日治兵二曰務農治  
兵所以強國務農所以足食二者相須以濟殆難以  
偏廢也夫兵無弓矢固不可以戰然農無牛亦安能  
服田力穡此正宜今日之所圖者臣伏見近日軍器  
所打造弓一萬張計用牛筋六千七百四十五斤角  
一萬一千隻續奉 聖旨分一半下浙東收買此迺  
陛下留神武備修治器械以攘夷狄深得夫宣王復  
古之意矣有司奉行旨揮獨患筋骨數多無人出賣  
州郡決不能以時應辦蓋一牛得筋不過數兩約用

三牛可得筋一斤今所買六千餘斤無慮二萬牛矣  
緣自兵火以來遠近耕牛驅虜屠殺殆盡至有以人  
代耕田畝荒蕪莫之墾闢頃者朝廷祭知故嚴立罪  
賞禁人屠殺自是人稍知戒然所在孽養未久正須  
遵行法禁以俟蕃息今乃分科筋角下州縣收買州  
縣必須科下人戶人戶之牛自死者其筋角既已依  
條納官緣何更有出賣深恐官司務欲辦事妄行促  
迫則小民畏懼勢須殺以應命顧罪賞如此誰敢輒  
殺設或姦猾之民以所須筋角為名遂為恣為屠割  
不知州縣何以處之欲加以罪筋角無所從出欲縱

之法令不行而殺牛滋多益廢耕耨是于國家務農  
之意有未至也臣訪聞溫台衢婺等州昨為隣境盜  
賊竊發其間豪民多緣杆禦收蓄良弓今筋角旨揮  
既行所買必不能足數臣愚欲望 聖慈下三省相  
度除一面收買筋角外浙東人戶能以堪用好弓力  
及八斗以上者赴官投賣即今州縣每張約筋角若  
千而給還其直總計所買弓補充今來所降筋角之  
數如此不唯收買易辦且得存養耕牛農人不至失  
業兼使民間兵器以漸納官是一舉而獲三利也區  
區管見干犯天威無任惶悚戰懼之至取進止

論土豪獄久不決劄子

臣聞皋陶告舜曰與其殺不辜寧失不經好生之德洽于民心夫以德洽民心其本在于御罰此虞舜之治天下所以歸仁仰惟陛下纂業中興憂勤不怠監觀庶獄尤務哀矜既已臨遣使輶宣諭德意而又親灑宸翰刻石以詔有司唯恐濫刑以逞濫及無罪是宜四方風動下無冤民然臣竊觀軍興以來每遇寇亂村人往往乘時倚勢羣革剽劫以至殺人放火時或有州縣尋行根治罪大而左驗明白者固已即時就戮其情由曖昧黨與牽連則必逮繫證案奸吏

受賕滋蔓及于平人是致獄久不決而斃于累囚者不可勝數小人見其如此或挾讐怨或規賄利轉相告訴無有已時故雖歲月深遠事既滅息而官司因其告訴輒復收捕驗治是以獄訟愈多而人晴不能安處方其事變擾攘無知之民違法作過何所不有罪在一時豈無註誤自建炎已酉至今經涉五年推窮誅治亦足以鉏奸去惡使民知畏矣然而囹圄置對猶或有未決之囚官吏受辭無以絕方米之訟近者紹興府亦嘗申請止言金人占據法處而不及他盜紛擾之地止言土豪專輒斬殺之罪而不及細民



乘時殺傷等事雖已特降旨揮又不徧及天下似于  
聖威推行本廣臣愚欲望陛下載頒詔音截自紹  
興元年正月一日以前應因寇亂聚集作過及殺傷  
等事一切不問州縣勿復受理如事已在官而未結  
正者並令釋放所貴曠蕩之澤普決天下雖虞舜好  
生無以過此取進止

論淮南官冗劄子

臣伏見淮南州縣數經殘破比年餘間稍歸業正  
在朝廷加意拊循庶幾德澤下究創痍漸復然其間  
官吏設員太冗裁減未盡侵漁騷擾為害不細甚非

勞未還定安集之意方今國家大勢以東南為重自  
江以北皆吾屏蔽苟欲經理天下則淮南當在所先  
不可謂殘破之地而遂忽之且州縣民既不多則事  
亦隨少事少則冗官濫食亦安所用若不痛行減省  
將見積日累月害民益甚臣愚欲乞每郡自本守而  
下除酒稅主兵及簽廳官各存留一員刑獄倉庫止  
一員兼治其餘並罷每縣自知縣而下存留酒稅官  
一員丞簿尉職事亦止一員兼治其餘並罷所有管  
下巡檢及外鎮稅官除係衝要去處依舊存留外餘  
悉罷之如此則減員雖多必不至乏事俟將來歸業

者衆州縣事體寔盛却相度逐旋增添所貴治有條  
理民得休息伏望 睿慈特降詔旨施行取進止

論儲蓄劄子

臣聞國家無九年之蓄曰不足無六年之蓄曰急無  
三年之蓄曰國非其國也是以立國之道穀食為本  
量入制用以備凶災方無事時尚當如此而况艱危  
之際軍師仰給有倍于平日者乎國家數年以來養  
兵益衆月費廩餉無慮數十萬斛所幸頻歲登稔不  
至缺乏然而朝斂暮散僅了目前未聞有所蓄積古  
人嘗謂六歲早蓋言豐凶相代不可以為常也萬一

豐歲以後繼年穀不熟民無以輸則將何以為計臣  
竊見春來霖雨不節二麥既傷而秋成又未可知要  
當預為之圖訪聞民間猶有積穀可以接新二麥雖  
傷將來薄收穀價亦必少減臣愚伏望 聖慈委諸  
路漕臣及茲民有餘粟之時早行措置或從官司兌  
那糶買或行民戶預行椿留各條具委令如何可廣  
儲蓄限一月上之戶部相度申尚書省取旨施行取  
進止

華陽集卷第十四 畢

華陽集卷第十五

宋張綱 彦正氏著

劄子

乞舉將帥劄子

給事中  
時所論

臣聞三辰不軌擢士為粗蠻夷不恭拔卒為將仰惟  
陛下勵精求治士之懷材抱藝者莫不以次進用獨  
將帥之臣推擇未廣方今夷虜尚熾邊陲未能徹警  
朝廷所恃以却敵禦侮者不過大將數人而已各據  
要害按甲休兵則未見缺事萬一烽火四起必將分  
道出師前擊後援若非備豫何以應卒故臣謂爪牙

之選在今日尤當拔奇取穎以防緩急夫前世經武  
之事每不之人者不必皆取良家子苟其材智勇略  
足以蓋衆雖在微賤擢置三軍之上不以為嫌所以  
販繒屠狗盜賊奴隸罪亡之餘率為一時名將國家  
自艱難以來兵氣未振然不可遂以乏材厚誣天下  
竊意韜略之士固有沉埋困躓姓名不得上聞者正  
須上之人篤意求之耳臣愚欲望聖慈特詔中外文  
武臣寮廣行搜訪有能練達戎律熟知虜情忠勇可  
備將帥不問有官無官或隱于山林或見在行伍即  
具姓名聞奏然後召問審考不次擢用庶幾如古拔

卒為將之意取進止

乞修戰船劄子

給事時  
所論

臣竊觀自古興師却敵阻江河以為險則水戰之具  
不可不備岑彭以樓船露橈斬任滿于荆門周瑜以  
蒙腫闢艦走曹操于赤壁此已往之明驗也邇來朝  
廷講究防秋之策不為不熟唯水軍一事未有措置  
臣固未論其他且以臨安言之車駕駐蹕于此邊江  
接海舟楫之利最為緊急舊有戰船不少樓櫓器械  
亦略具備今既歲久往々破壞置之枯河悉不可用  
逐船篙主戰卒又復取其健者分隸諸將目今但存

空名萬一倉卒有警乃始簡料久廢之卒而修葺既  
敝之舟其為計晚笑傳曰不備不虞不可以師近日  
邊陲探報尚未寧息所以備禦之方政當每事儆戒  
况虜情難測左實右偽聲東擊西其出沒雖遠在江  
湖千里之外安知猪豕豕勇之計不出于吾指顧之  
間是則海道迅速尤須過于隄防臣愚欲望聖慈特  
詔有司將行在戰船掉卒速行修治令統制官糾集  
訓練以備不測所有其餘沿江舊有水軍去處亦乞  
劄下所屬施行取進止

論三衛兵少劄子

臣竊觀漢周勃以北軍安劉氏唐李晟領神策收復  
京師此皆天子禁兵入衛王宮出扈乘輿所以張皇  
武威遏絕奸宄一旦緩急取之左右足以勘難國家  
自祖宗建立基本尤以三衛為重方今盛時所總貌  
虎之士無慮數十萬艱難以來闕額不補軍政蕩然  
名存而實廢陛下時巡方岳駐蹕之地當使兵衛  
森列威于平日而尺籍伍符迺益加少未聞有所措  
置方今外有不庭之虜內有竊發之寇而所謂五軍  
者雖冠于神武之名營屯輦轂要之皆出戰之士至  
于扈蹕以強天下則正屬三衛是謂天子爪牙之任

昔段秀實有言猛虎所以百獸畏者以有爪牙也爪牙廢則孤豚特犬悉能為敵可不深念哉臣愚欲望聖慈特詔大臣取殿司及馬步軍兵籍斟酌多寡講求補卒之法務得驍銳勇果之衆專一訓練以嚴宿衛之列庶幾國勢內重陰有以折奸雄之心天下幸甚取進止

### 論黨籍之家推恩泛濫劄子

臣聞錄寬恤孤振淹拔滯帝王之盛德往時元祐臣寮子孫流落困躓陛下憐其名族不遭曲加恩惠德至渥也然臣考之黨籍見于石刻者三百餘人前後

推恩已多而來者不止遞相援引無有限極或白身不試輒命以官或先次注授不問資格一門之中既及其子若孫又復旁連弟姪由是上則多泛濫之寵下則啟僥倖之門原其始也本欲加惠忠良之後及其行之稍過則不能無弊臣以謂黨籍之家固宜有以優恤之但不不可不為限制方今吏員猥多銓曹無闕可擬若更以此占奪名次則孤寒平進之人愈見留滯臣愚欲乞詔有司將元祐黨人擇其顯有名德者方許子孫陳乞恩例一次今日以前已經推恩者不得再有陳乞其間人才草然可用自當別聽推擇

區、管見冒瀆聖聽如有可采伏望特賜睿旨施行  
取進止

論公道劄子

臣聞人材治世之具賞罰勵世之柄是二者其權制  
于主而所以行之則責在大臣用人材而行賞罰  
其要在不乎它曰公而已矣惟公則能生明一措私  
意于其間必將昧于所見顛倒錯繆未見其能治也  
盖用人材而不公則宜退者進可用者斥是出于私  
好惡也何以示甄別行賞罰而不公則為善者不見  
錄稔惡者或幸免是出于私喜怒也何以示勸懲書

曰以公滅私民其允懷若乃以私滅公則積日寔久  
毒流于下民將胥怨何懷之有臣竊觀陛下總攬  
權綱慨然獨斷則前日不公之弊無患于不革然臣  
尚慮左右玩習之久未能盡絕私意精白以承休德  
欲望聖慈特詔一二大臣專以至公之道經綸天  
下人之賢者雖讎必舉其不肖者雖親必黜高爵厚  
祿旌有功則勿吝嚴刑峻罰當有罪則勿恤如是而  
日御一日無或致忽于其間則朝廷之上舉動皆合  
於公論庶幾無負陛下委任責成之意取進止

論守令害民劄子

臣聞張官置吏凡以為民也陛下勵精圖治勤求民瘼詔書為民而下者十常八九非不丁寧懇切而州縣官吏奉行不虔尚多背公營私剥下媚上恣為貪唐略無忌憚致使斯民日受其弊無所赴愬為縣令者害及一縣而太守不敢誰何為太守者害及一郡而監司未嘗按發蓋自比年以來上下相蔽習成此風恬不知怪臣愚欲望聖慈特降詔旨遣情疆官循行天下以察訪吏治夫遣使之意止欲慰安黎元不必張大聲勢以致騷擾所過郡縣問民疾苦受其詞訴饋遺燕犒一切杜絕庶革請託之弊以專發擿之公其監司及州縣官吏不能宣上德意而為民害者具姓名申奏悉行罷黜蓋方今天下之事上聞聖慮者非一然以臣觀之安民情固邦本莫先于此儻遂施行天下幸甚取進止

乞除民事一條劄子

臣聞立法所以防奸法既具矣又增益之則條目苛碎而猾吏得以舞文奸必愈甚臣竊見祖宗以來愛養生民唯恐貪殘之吏有以傷之故立公私贓罪三等之法俾吏部量其所犯而限其注擬行之既久輕重咸得其當頃因臣寮建議遂增置民事之科應緣



民事被罪者並不得注知州軍通判知縣差遣夫守  
令通判親民之官苟有所犯未有不干涉于民者使  
其人寔由奸貪而犯賊私之罪則坐以重法固不足  
卸萬一素行廉勤偶陷公過而或傳教于民事遂令  
終身不入親民之選則人才必有廢棄者豈不重可  
惜哉又况刀筆之吏因此執疑似之迹故生沮難或  
致交通賄賂為害不細臣嘗取吏部民事條令觀之  
始于紹興六年而相繼申明衝改議論紛紜至今猶  
未止也蓋天下皆知其不便唯一時權臣欲專予奪  
之柄故不肯遽罷但令申取朝廷指揮殊不以紊亂

祖宗法度為意臣愚欲望陛下特降睿旨將吏部  
民事一條早賜蠲除所有百官注擬及公私贓罪格  
法並依舊制施行庶幾法令簡明易于遵守取進止  
乞重監司劄子

臣竊謂今之監司乃古郡刺史朝廷付之一路所以  
督察守令其權不為不重夫守令之治其大略有七  
一曰宣詔令二曰厚風俗三曰勸農桑四曰平獄訟  
五曰與學校六曰理財賦七曰實戶口使守令得人  
而七者皆舉天下無餘事矣苟不得人則按發之職  
實在監司故夫論治道者謂得百守令不如得一監

司比年以來所在守令奸貪不法未嘗見監司有一  
按發者此無他蓋由用非其人或以資淺望輕而不  
敢誰何或以識暗才劣而不能廉察至于觀望權勢  
則方且奉承之不暇交通賄賂則為之委曲以相容  
夫為一路刺舉之官而失職如是則守令之無狀固  
不足怪守令既無狀而欲七者之治皆舉亦已難矣  
臣愚伏望聖慈特降睿旨今後監司有闕須擇七品  
以上清望官或曾經朝廷擢用或曾任郡守治狀顯  
著者為之所貴位望兼重而可以付之權才能已試  
而足以舉其職守令皆知奉法不負  
陛下宵旰圖

治之意取進止

乞審聽察劄子

臣伏觀詔書以星文示變上軫聖慮許士庶實封陳  
言又令諸路監司郡守條具便民寬恤事件聞奏仰  
見陛下嚴恭寅畏克謹天戒亟欲消變復臻和平  
天下幸甚然臣竊謂求言雖易聽察為難詔旨流行  
四海之內皆將竭忠盡誠爭獻所聞事有利害固無  
患壅塞而不上達也既又分命有司者詳其說則是  
非混淆亦不必慮而臣區區所見尚恐疎遠之人銳  
于納忠設意過當有強出新意而至衝改祖宗舊法

者有取便一時而行之既久不能無害者有貪蠲復  
之名而不以用度較之致州縣不免暗取于民者若  
此之類自非深思熟慮實難遽見臣愚欲望聖慈明  
詔有司凡者詳羣臣所上章奏必須審御究極事情  
不得一切苟簡更乞萬幾之暇躬垂省覽唯不悖戾  
祖宗舊法可以經久而實惠及物乃聽施行庶幾事  
體稍重動合人心而和氣可召災異非所憂也取進  
止

辭免除參知政事劄子

臣今日二十五日伏蒙聖恩除臣參知政事特降

中使宣押赴都堂治事者臣聞命震驚罔知所指伏  
念臣資本庸陋齒迫衰殘頃已辭榮絕無進望陛  
下俯憐舊物台寘銓曹雖竭疲駑謾淹歲月方懼曠  
瘵之責敢希超躡之除况此邇臣與聞大政允謂機  
衡之要地必資英博之奇材非臣空疎所宜叨據伏  
望聖慈推仁從欲為官擇人收還誤恩以允公議臣  
無任懇祈激切俟命之至取進止

辭免再賜對衣金帶鞍馬劄子

臣蒙恩除參知政事今日六月六日正謝又蒙聖慈賜臣  
對衣金帶魚袋鞍馬竊緣臣被命之初已經宣賜今

茲豈敢再冒寵光伏望陛下察臣庸虛之資方辱  
高位念臣盈滿之戒難當異恩特降旨揮追還所賜  
臣無任惶懼俟命之至取進止

華陽集卷第十五畢

華陽集卷第十六

劄子 奏狀

乞罷政第一劄子

宋張綱

彥正氏著

臣輒瀝危誠上干天聽伏念臣賦材不敏學古無聞  
遭值休明擢從遠外方上聖一新于邦治以非才參  
贊于廟謨荷生成之恩為至深蒙寵遇之禮為甚厚  
顧雖捐軀于萬死且難圖報于毫分詎敢懷安上孤  
隆眷然臣分窮命薄福過笑生氣積脾寒新秋預作  
目昏脚弱舊疾轉加豈惟竊位以妨賢亦恐養病而

廢職儻不知止必自速辜伏望 皇帝陛下矜念么  
微保全終始特垂恩造許臣解罷見任職事除一在  
外宮觀差遣庶便醫藥稍安餘年臣無任祈天懇聖  
激切俟命之至

乞罷政第二劄子

臣昨日獲對天顏面陳情懇乞解見任職事仰蒙  
聖慈矜憐哀病存問再三臣退歸私第伏省恩言舉  
室感戴至于涕泣今日又蒙特降中使宣押臣造朝  
及赴都堂治事眷遇優渥臣何以克當伏念臣寒陋  
書生本無片善叨榮逾分殃咎自貽秋深以來衆疾

交作自量疲薙難以久當重任伏望 皇帝陛下曲  
垂憫恤檢會臣昨日所進劄子早降處分除臣一在  
外宮觀差遣臣無任激切祈天俟命之至取進止

乞罷政第三劄子

臣近緣疾病陳乞解罷見任職事除臣一在外宮觀  
差遣兩蒙聖慈特降中使宣押未賜俞允臣感激惶  
懼不知所措臣聞朝廷之上一日二日萬幾責在二  
三執政之臣必能殫志極慮夙夜匪懈然後不負寄  
委之重臣素乏時才頃已辭祿遭遇 陛下非常之  
知驟加錄用使預執政之列戴荷聖恩至深至厚非

不欲免勉自竭趣就涓埃少圖報稱寔以衰殘多病  
心力俱疲苟或不知自量豈唯臣一身負顛躓之憂  
而朝廷萬幾亦未免有曠職之患伏望 皇帝陛下  
曲推全度早賜矜從庶使餘生無愧公議臣無任祈  
天懇聖激切俟命之至取進止

乞罷政第四劄子

臣比嘗三具劄子乞解職任今日九月九日伏准詔書不  
允臣仰見聖慈憐念未忍弃捐顧臣何人膺此禮遇  
區區危哀但極慚感伏念臣本無材術叨貳政機思  
報恩唯知自竭然三百六旬之久勞能蔑著于涓

埃而七十五歲之身疾病已凋于齒髮是用投誠君  
父冀遂退休敢期惠渥之臨尚闕俞音之錫臣以零  
丁弱質哀謝餘年自知一去于軒墀難復再瞻于天  
日豈不貪戀明聖顧懷顯榮第憂瘵曠以招尤不容  
勉強而尸祿伏望 皇帝陛下乾坤亨育日月照臨  
早降旨揮曲從所請倘獲因此苟延旦暮盡出陛下  
生成之造臣無任祈天懇聖激切俟命之至取進止  
辭免資政殿學士知婺州劄子

臣近者屢貢封章懇辭政事退量瀆犯方俟謹呵今  
月十一日伏准尚書省劄子奉聖旨除臣資政殿學

士知婺州臣聞命震驚罔知所指臣竊謂士之從仕  
固欲善其始終君之待臣每務全于體貌至若便私  
而有請乃今因請以叨恩則上多虛授之嫌而下有  
難安之勢臣自膺重任亦既彌年初無橫草之功積  
有負薪之疾慮曠瘵而連戾上玷清朝及彈擊之未  
加仰陳危懼僮使奉祠而得請尚憂公議之不宥矧  
茲秘殿隆名金華古郡是所謂勲舊均勞之禮其可  
付哀殘養疾之人雖聖慈或出于爰忘而私義終難  
于冒處伏望 皇帝陛下矜臣愚拙唯合退閑特降  
旨揮收還成命止乞令臣守本官除一在外宮觀差

遣庶安薄分用穆師言無任祈天懇聖激切俟命之  
至取進止

投進恩賜御書墨本劄子

臣昨准告除資政殿學士知婺州陛辭之日伏蒙聖  
慈特降中使齋御書一封賜臣通犀帶一條臣以異  
恩出于望外捧受之次兢惶不知所措仰見 陛下  
俯憐哀病驟去闕庭特示殊私俾安孤迹臣雖萬死  
豈足以上報委曲生全之造感戴至深言窮涕泣臣  
叨蒙光寵欲以傳示不朽輒將所賜御書摹勒上石  
謹以墨本裝成卷軸昧死投進庶幾少効臣子感恩

歸美之萬一千冒天威臣無任隕越待罪之至取進  
止

乞修心治國劄子

臣庸陋不才頃蒙 太上皇帝自小官拔擢至參大  
政曾無毫髮功效上報厚恩迫以哀病謝事去國昨  
者陛下受命握符光臨大寶臣屏伏田野聞先舜  
威德之事無緣蹈舞玉階自同百獸今遇大駕時巡  
過臣鄉郡臣可謂千載一時之幸輒有區區愚 哀 敢  
因賜對冒昧奏聞臣伏見神宗皇帝即位之初司馬  
光任御史中丞論天下事未及其他而先之以人君

修心治國之要其言曰修心之要有三一曰仁二曰

明三曰武修政治興教化育萬物養百姓此人君之

仁也知道義識安危別賢愚辨是非此人君之明也

惟道所在斷之不疑奸不能惑佞不能移此人君之

武也治國之要亦有三一曰官人二曰信賞三曰必

罰人主誠能收采天下之英俊隨其所長而用之有

功者勸之以重賞有罪者威之以嚴刑譬如乘輕車

駕駿馬總其六轡奮其鞭策何往而不可至哉臣誦

先遺文每至此未嘗不歛衽太息以謂古先哲王之

所以治天下與夫謀臣議士之所以盡忠于其君考



諸五經百氏歷代載籍之傳求其至精至要誠無出  
于此六者方今內憂弊政外患強敵錢穀甲兵獄訟  
盜賊之事雜然上閔聖慮實宵衣旰食之時臣願陛  
下俯念光言日加三省事有合于此六者必力行之  
害于此六者必亟去之一嘯一咲之間取則于是而  
無或暫忘若是則心之所主既簡而定萬幾雖繁應  
之不勞矣臣退閑既久時事不敢與聞獨獻平生服  
膺之言庶少補聰明之萬一惟陛下勿謂迂濶而棄  
之天下幸甚取進止

辭免起居舍人狀  
紹興三年正月先兼中書  
門下省檢正諸房公事二

月除起居舍人

右臣今日准尚書省劄子奉  
聖旨除臣起居

舍人日下供職者竊以史臣之職君舉必書宜付偉

才以昭盛德而臣學不通古智昧趨時誤辱春知名

從踈遠使備員于宰屬顧何補于公家方懼尸榮更

叨茂渥况當宇圖功之日衆賢聚于本朝而直筆記

事之官一時謂之清選自視薄陋豈應冒居仰覲睿

慈俯矜愚悃收還成命免致煩言所有恩命臣未敢

祇受謹錄奏聞伏候勅旨

辭免中書舍人狀  
紹興三年五月自起居舍人遷中書舍人

右臣今月十五日准尚書省劄子奉聖旨除臣中書  
舍人日下供職者竊以中書為政事之源內史掌詞  
命之職惟時妙選宜屬偉才伏念臣行能不過于常  
人名實未孚于衆聽豈謂哀遲之迹誤蒙聖哲之知  
頃自外臺召寘宰屬未及暖席進列史官綴法從之  
清班望睟容于丹陛恩光厚矣自量已過于所期功  
効蔑如詎敢更叨于非據况乃代言之地尤以稱職  
為難比偶闕員猥嘗承乏書詔填委既無潤色之能  
巧匠傍觀徒有汗顏之媿惟已試之如此亦自知之  
甚明儻遂即真而不辭將恐煩言之隨至仰祈睿鑒

俯察忱誠特反渙恩庶安愚分所有恩命臣未敢祗  
受謹錄奏聞伏候勅旨

除中書舍人舉魏良臣自代狀

蒙恩授前件職准令節文侍從官授訖三日內舉

官一員自代者

右臣伏覩左從政郎充詳定一司勅令所刪定官魏  
良臣奮自學校聞于搢紳持已端方勵古人之節屬  
文典麗有作者之風舉以代臣實允公議謹錄奏聞  
伏候勅旨

乞宮觀第一狀

在中書舍人因母病連章乞  
祠養親章四上乃得旨送母

還鄉紹興三年八月十二日到家復上章乞終養不允  
方臣頃從踈賤處從班未有毫分少伸報効今以  
事出迫切不避謫責輒輸悃誠仰瀆宸聽伏念臣父  
母年老昨者迎侍偕未庶奉甘旨而臣父以不伏水  
土先還里中獨留母氏于此涉夏至今卧病相仍緣  
臣兄弟終鮮別無魚侍每趨朝入局藥餌俱廢今則  
病勢寢劇未有痊損之期魚臣父在鄉孑然一身久  
闕供養人子之心寔不遑處欲望聖慈矜憐特令臣  
以本官任在外宮觀一次庶當孝治之朝不廢篤親  
之義臣無任祈天懇聖激切之至謹錄奏聞伏候勅

旨

乞宮觀第二狀

右臣近為母氏久病輒具奏陳乞以本官任在外宮  
觀一次伏蒙聖恩未賜俞允臣危誠迫切不能自己  
再干天聽罪不容誅伏念臣母年垂八十昨緣迎侍  
至此忽得脾疾醫療踰月至今未差臣叨塵侍從供  
職未久初不敢便有陳請緣數日來疾勢增加而臣  
職事之外餘力無幾既兄弟終鮮又無得力子姪可  
以供承藥餌貴在臣身實虧孝養而臣父前歸鄉里  
不願遠來甘旨之奉亦復久闕此臣所以日夜憂惶

莫知所處仰恃陛下天地養育之恩一物失所尚  
軫聖慮故輒再申前懇冀獲矜憐儻蒙從欲之仁  
即臣異日糜骨捐軀圖報未晚欲望睿慈特賜檢會  
臣前奏令臣以本官任在外宮觀一次臣無任祈天  
懇聖激切俟命之至謹錄奏聞伏候勅旨  
右臣近以母病再瀝誠懇上千天聽乞以本官任在  
外宮觀疊蒙聖恩未賜俞允願臣愚分豈當更有叙  
陳實以情迫于中不能自己臣聞臣子之事君親恩  
義相須未有闕于事親而能事其君者臣愚不肖仰

荷陛下拔擢豈不知竭犬馬之力圖報萬分實緣  
母病日久父先還鄉所以供子職者唯臣一身恩愛  
所牽不遑寧處今來母氏所苦醫療百端未見減損  
哀晚之年氣血沒耗竊欲迎侍蚤歸鄉閭若蒙天慈  
俯遂前請則臣一門賴陛下優容生養之恩過于  
天地異時碎首捐軀誓圖報塞臣以供承藥餌見今  
在告深恐因循妨廢職事伏望聖慈察臣懇迫之情  
特賜檢會前奏令臣以本官任在外宮觀一次干冒  
天威臣無任戰懼俯伏待命之至謹錄奏聞伏候勅  
旨

乞宮觀第四狀

右臣昨為母氏不安奏乞在外宮觀差遣以便醫藥  
准尚書省劄子奉聖旨不允續蒙給臣寬假仍許將  
母還鄉臣一介賤微上荷聖慈察其懇切曲加矜念  
仰惟天地父母涵容拊育之恩非臣殞首捐軀所能  
報稱臣本貫鎮江府金壇縣已于八月十二日迎侍  
到家自初得告今已逾月望闕懷戀夙夜靡寧便當  
還朝亟就班次緣臣母病寢久未獲痊平氣血虛羸  
近尤增劇臣別無兄弟侍疾嘗藥唯臣一身遽捨而  
去于義難處若更在假淹留又恐益廢職事私情雖  
迫公議肯容臣幸以謏薄之資躡升華近之列惟思  
答効豈敢懷安特由恩愛所牽奔趨莫遂俯仰自念  
憂灼彌深是用輒冒天威具陳前懇伏望 陛下俯  
垂睿聽特賜檢會臣七月二十五日以後累奏令臣  
以本官任在外宮觀一次庶幾菽水致養免于遺親  
犬馬報恩期以異日臣無任祈天懇聖激切惶懼之  
至謹錄奏聞伏候勅旨

華陽集卷第十六畢

華陽集卷第十七

奏狀

駁陳鑄吳說差遣指揮狀

宋張綱

彥正氏著

右臣今月十四日准中書門下省送到錄黃一道右  
朝奉大夫吳說差權發遣江南西路轉運判官右承  
議郎陳鑄差提舉兩浙西路茶鹽公事臣伏見吳說  
陳鑄輕儇不端皆無素行內吳說昨任兩浙市舶緣  
苗傅叛逆附會凶黨忽除金部郎官仍領市舶職事  
後因臺臣論列罪狀顯明與劉蒙范仲熊等同被黜

責未幾復除福建運判物論大喧偶緣丁憂遂免彈  
擊無其為人貪冒無恥嘗以習書大字所在求請牌  
額為人題寫以徼厚利有識鄙之鑄昨任江東鹽香  
過惡暴著言者亦嘗論其貪汚夤緣冒進等事而罷  
其差遣臣不復縷陳契勘監司刺舉一路委寄非輕  
如二人者皆罪戾之餘久犯清議方當循名責實之  
公朝豈容更叨重寄臣若不言必致公論沸騰復煩  
朝廷改命欲望聖慈當成命未行之時特賜寢罷所  
有上件錄黃臣未敢書行繳連在前謹錄奏聞伏候  
勅旨

駁陳伯彊恩澤指揮狀

右臣今月二十五日准中書門下省送到錄黃一件

為陳獻用父伯彊致仕恩澤特補將仕郎臣檢會紹

興薦舉令節文諸中大夫以下見責降乞致仕不得

乞蔭補恩澤臣看詳陳獻父伯彊昨任正言得罪送

吏部與合入差遣未經牽復間守本官致仕正是責

降中致仕之人于條不合陳乞蔭補據陳獻狀詞自

稱伯彊因言高休妄造聖語得罪其事有無虛實歲

月深遠難以攷究正使當時所言罪狀有實則責降

之後亦須先經朝廷洗雪始可追復給還致仕恩澤

况伯彊之死已近三十年前此未嘗叙雪陳乞今更  
遽有此命不知何所據憑其人引用沈疇近例又不  
知疇之所乞于見行格法有無遺礙夫法者所與天  
下公共者也今未陳伯彊身雖已死罪籍未除若遽  
推恩與子即今日以前死于責籍者更引伯彊近例  
將何以止之臣愚欲望聖慈特降睿旨將所與陳獻  
一資恩澤遵依紹興條令特賜寢罷以絕僥倖之路  
所有錄黃臣未敢書行繳連在前謹錄奏聞伏候勅  
旨

繳薛昂復官恩澤詞頭狀

正月二十六日准中書省吏房送到詞頭一道責  
授左中奉大夫薛昂上遺表事奉聖旨薛昂特追  
復特進其遺表恩澤依條施行令臣命詞行下者  
右臣契勘自來臣寮死于責籍察其平時無甚顯惡  
則追復官職間亦有之蓋是朝廷一時特恩不可以  
為常也臣竊見薛昂以腐儒之學黨附蔡京致位近  
弼當政和宣和間朝廷大事一無建明專務諂諛同  
惡相濟稔成今日艱危之禍天下疾之甚于仇讎罪  
惡顯著臣不復具陳陛下寬恩不賜竄殛俾得終于  
牖下已為厚幸今若因其所上遺表追復舊官即是



誤國之臣歿有榮耀非特忠邪不辨無以昭示天下  
兼恐應責降中身亡之人有如昂者復引此為例無  
辭以却臣愚欲望聖慈將薛昂追復特進恩命特賜  
寢罷所有上件詞頭臣未敢謾述謹錄奏聞伏候勅  
旨

駁張公裕解字指揮狀

今月二十九日中書門下省工房送到勅黃一道

為奉聖旨指揮梁汝嘉將舊祗候庫屋十間添修  
充張公裕解字其雜買務別行踏逐令臣書行者  
右臣竊見自來官司解字皆以所管職事為名其下

便為治所未有無職事而得居解字者今來張公裕  
係同管客省四方館閣門公事兼總領海船契勘客  
省閣門等職事見在禁中從舊不曾別置解字兼客  
省閣門官非止公裕一名公裕應得他人皆可得也  
若以總領海船為名則其職事係在明州于行朝別  
無所治豈有置解字于此而遙領職事于彼者况舊  
祗候庫已改作戶部雜買務今若添修充張公裕解  
字其雜買務別行踏逐不唯公裕居之無名而改更  
添修土木工役煩費寔多兼恐僥倖之門一啟他日  
滋蔓無以杜絕臣愚欲望聖慈特下有司叅照如張

公裕目今職事不當得解字即乞將上件聖旨指揮  
速行復罷所有勅黃臣未敢書行謹錄奏聞伏候勅  
旨

駁錢稔與郡指揮狀

今月初七日晚准中書門下省送到勅黃一道奉  
聖旨錢稔與郡令臣書行者

右臣竊觀比年以來所以害民者莫甚乎貪殘之吏  
逆者陛下數頒明詔訓教中外又臨遣五御史巡行  
郡國以察治狀其有贓汙不法與夫刑獄冤濫皆得  
以上聞仰見聖心慨然欲革其弊甚威德也臣方竊

喜以謂貪殘之吏自是當知所畏矣今日忽見錢稔  
得旨與郡衆口謹譁殊不曉所以然者契勘錢稔素  
無廉聲而有酷惡之資頃為臣寮論列其奉使瀾西  
則罪贓狼籍皆得所取受迹狀甚明其任大理少卿  
則持刑不平專事觀望嘗以三等風指授其同列臣  
雖不識稔以言章攷之而叅以士論蓋行汙寄治倚  
權勢為暴者也貪殘二字稔寔盡之若使之為郡其  
能以廉節自持為陛下牧養小民乎其能體欽恤之  
意而不擾于獄市乎向自廷尉以彈章罷職未幾除  
知台州又復言罷衆謂稔當廢放終身今日豈可更

臨郡寄臣愚欲望聖慈察前後章疏所言罪狀將今  
未與郡指揮特賜寢罷所有錄黃臣未敢書行謹錄  
奏聞伏候勅旨

乞宮觀第一狀

右臣輒傾危悃上千睿聽情有所迫罪不容誅伏念  
臣猥以凡庸緣塵禁近竊祿逾分天降疾災舊苦風  
疾常多昏眩迺自此月十一日以來驟爾復作頭目  
旋暈顛仆弗支心悸氣滿移時方定迨今旬日發動  
至再臣職在詞掖寔掌贊書方當無病之時猶負素  
餐之愧矧茲遽嬰疾疢豈不深懼曠療兼臣父母垂

年久還鄉里旁無兼侍供養有關人子之分實不自  
安伏望 陛下察臣病哀難于任事憐臣親老許以  
便私特垂天地覆育之恩令臣以本官任在外宮觀  
差遣一次庶獲少休餘息不廢孝養他日圖報誓當  
糜捐臣無任祈天懇聖激切俟命之至謹錄奏聞伏  
候勅旨

乞宮觀第二狀

右臣近以風眩不安嘗傾危悃乞以本官任在外宮  
觀差遣伏蒙聖慈未賜俞允愧情迫切欲已不能伏  
念臣謬忝禁嚴粗知分義既謂居官而任責豈敢無

故而求開誠以叨昧踰涯災疾橫作驚悸旋暈衆所  
共知行立稍勞即便發動每當趨就朝列常虞顛仆  
失容至若入直省中亦恐眩昏曠職今在告醫治已  
是數日未獲痊平願茲詞掖機要之司非是臣愚養  
疴之地此臣所以憂惶踧踖莫知攸處所有臣父母  
闕養固已嘗具奏陳更不敢喋喋干冒天聽今者止  
為臣身自嬰疾難于任事理須控告遂至黷煩伏望  
聖慈俯垂矜憫特賜睿旨檢會臣前奏令臣以本官  
任在外宮觀差遣一次輕犯天威臣無任惶懼待罪  
之至謹錄奏聞伏候勅旨

駁汪若海差遣指揮狀

右臣今月十三日准中書門下有送到勅黃一道為  
右宣義郎趙不凡差通判泉州右宣義郎鄧襄通判  
沅州右承奉郎汪若海通判無為軍令臣書行臣伏  
見數內汪若海浮踪輕脫素無士檢昨任三省樞察  
院幹辦官與同僚何大圭日李捕酒肆為荒嫚爭淫  
娼婦至相歐擊嘗為臺臣論列除名勒停編置嶺外  
偃蹇不赴欲圖苟免後蒙寬恩釋放稍還官秩而故  
態弗悛逋蕩無復羞畏措紳之所不齒方今州郡之  
治責在守倅無為雖號小壘屢經殘破正賴撫綏得

人乃以半刺之權付此狂士竊恐陵上虐下有害郡  
政不能仰副陛下寬恤元之意兼若海見係監當  
資序罪廢之後升為通判立論疑之臣愚欲望聖慈  
將汪若海通判無為軍指揮特賜寢罷所勅黃厚未  
敢書行謹錄奏聞伏候勅旨

今月初七日准中書門下省送到勅黃為知潭州  
折彥質奏乞詳酌紹興三年十月二十五日指揮  
為土豪及細民乘時作過等事今謹開具下項  
一檢會紹興三年十月二十五日指揮節文自

紹興二年正月一日以前諸路州縣曾經金人  
占據及羣寇殘破去處土豪專輒斬殺并鄉村  
細民乘時作過限今降指揮到日將已受詞訴  
限十日結絕不得支蔓日後更有詞訴並不得  
受理

一今來折彥質申請乞更詳酌紹興三年十月  
二十五日指揮將委曾殺人放火如被苦之家  
自陳若鄰保及徒中告首而事狀彰聞證佐明  
白者內為首之人許依法勘斷自餘支黨特免  
窮治即事不干已并教唆詞訟或官吏不為審

實輒行追追捕繫者並坐以法四月七日奉聖  
旨今後如有論訴或告首罪惡顯著事迹明白  
官司見得詣實方許勾追證佐將為首人依法  
勘斷自餘支黨特免窮治不得稍涉支蔓餘依  
所乞

右臣者詳紹興三年十月二十五日指揮蓋緣兵火  
之際小人乘時作過至今經隔五六年而詞訴不絕  
獄訟滋多所以特降聖旨截自紹興二年正月一日  
以前所犯已在官者限日結絕未任官者指揮到後  
並不許受理今折彥質所奏乞詳酌上件指揮將委

曾殺人放火如被害之家自陳若隣保及徒中告首  
將為首之人許依法勘斷即是前來指揮全不可遵  
用再詳四月七日聖旨今後如有論訴或告首罪惡  
顯著事迹明白官司見得詣實方許勾追證佐將為  
首人依法勘斷臣竊謂朝廷立法蓋本人情自建炎  
兵火以來無知之人所在作過何所不有州縣根治  
誅鋤首惡略盡其有不經官司論訴者必是事迹不  
甚顯著兼其情理亦必不至切害如此等罪雖未陳  
論理宜矜恕聽其自新今所犯在數年之前事既滅  
息乃始降指揮許令告首即與當時立法之意正相

背戾指揮纔下將見平日挾怨規利之徒自此轉相  
告訐無有已時事既在官若不勾追證佐何由見得  
詣實雖云不得稍涉支蔓乃首從未分之時追逮所  
及支蔓必多若以謂被苦之家及隣保等必欲訴寃  
則兵火纔息自合陳告何至今日乃始生事自降不  
許受理指揮至今將及半年若又衝改不行豈唯滋  
長奸弊亦恐無以示信四方以臣所見紹興三年十  
月二十五日指揮委是允當却合依舊遵守所有今  
來錄黃臣未敢書行伏望聖慈更賜詳酌謹錄奏聞  
伏候勅旨

又貼黃稱

契勘紹興三年十月二十五日指揮係臣面對  
奏請施行事今折彥質所乞乃是衝改已降指  
揮與臣當時奏請之意不同故臣不得不論乞  
賜睿察

華陽集卷第十七 畢



Faint, illegible text, likely bleed-through from the reverse side of the page, visible in the right-hand column.



